



Cette édition est la 4<sup>e</sup> d'après le catalogue de  
la B. N. I 6<sup>36</sup> 2407 - C

S. L. n. d.

184 **MIROIR** (Le) du temps passé à  
l'usage du présent. A tous bons Pères  
Religieux, sequestrez du monde. S. l.,  
n. d. (1615), pet. in-8 de 64 pp., cart.  
(Bel exempl.). 5 »

*Pièce politique curieuse et rare.*

7-64-

Long mints - 49 -

Common & Curious 50 -

Card of Beat - 51

Richardson - 54 - 55 -

Capricious - 19

Long, rich Propagation a leaf 12

I 2°

... c'est pourquoy les bons PP. Capucins & autres vrais  
Anachorètes sont très-avisés de faire beaucoup de spiritualité à  
la mode opposée, afin de méditer plus vivement avec elle ces  
divins livres.

mais d'autant il faut remarquer aussi que les Saints Religieux  
sont dignes de compassion, de se voir à toutes leurs distractions d'un  
si sainte occupation par les discours affectés de certains zéles indiscrets,  
d'une vaine ostentation de faux pieux catéchètes, qui comme  
certaines chablis de visent les Religieux parsonny, aux quels il faut  
voir le nombre pour le corps de cette Vierge ulcérée & boursouflée  
d'ostoy, pèche de guérir l'herésie, les jettent plus avant que  
jamais dans le vortex embourbé des vagues du siècle, jusqu'à  
les faire quitter le repos de leurs cloîtres pour braver dans  
le monde, & les pousser parmy les lames de l'incroyable, tous

I<sup>re</sup> // contents de travailler au service de // l'Eglise....

26°

... pour le service que s'adresse à tous les Ordres de  
vrais Religieux....





# LE MIROIR

DV TEMPS PASSE,

à l'usage du Présent.

*A tous bons Peres Religieux, sequestrez du Monde.*

**M**ES PERES, Pour autant que ne pourcez que tres-difficilement estre informez au vray du flux & reflux des negoces de ce monde, pour n'estre d'ordinaire visitez en vos Cloistres que par gens qui vont à la bonne foy comme vous, ou par des Casuistes qui se veulent preualoir de vostre pieté, ou par des Espiegles Courtisans, lesquels ne vous disent pas tousiours ce qu'ils croient, & encore moins ce qu'ils pensent, deguisans bien deuotement à l'abry de vostre innocence leurs actions passees, leurs intentions presentes, & leurs machinations futures, selon les diuers desseins qu'ils proiettent de suivre en vn si desguisé siecle.

C'est pourquoy ie vous supplie receuoir sans scrupule ce naïf & veritable Discours, lequel ie vous adresse comme vn preseruatif contre les Mathoiseries qui voguent à present, le tout sans autre intention que pour des-abuser les plus simples d'entre vous, qui se pourroient encon laisser seduire sans y penser, par les zeles persuasions des sublimes Mercurialistes de ce temps; ausquels i'espere faire cognoistre par la suite des erreurs passees, qu'il y a vn grandissime Cahos entre les

A

630

F

39

326

162

fa2

iugemens de Dieu & les iugemens des hommes des vrayes Catholiques & des fins cagots, des choses sacrees & les prophanes des grands & des petits à raison des diuerses passions qui les preoccupent, beaucoup de gens ne suiuaient aujourdhuy que le Party à la Mode, c'est à dire, celuy par le moyen duquel ils pensent pluſtoſt faire leur fortune, où bien iugeants auueuglement des affaires courantes, ſelon la portee de leurs bigarrees imaginations.

Certes, la rencontre n'est pas mauuaile de celuy qui diſoit, que les anciens & modernes Philoſophes ne ſont tant ridicules en la perplexité de leurs araiſonnemēs, ſur la queſtion de la face qui ſe void dans le rond de la Lune, qui ſont les Coloques de quelques ſophiſtes Docteurs, ſimples Religieux, Pedāts, Predicateurs, & autres pieux diſcours, ſur le reſultat des intereſts, ou de portemens des Papes, Roys, Potentats & Republiques.

Apophtegmeſtres remarquables, ſuiuant lequel on peut dire auſſi, qu'il n'y a pas grand offence de croire, qu'ēs conſeils de deſſus les Monts, qui excitent les vents dont naiſſent les tempeſtes dans noſtre Eſtat, & dans nos ames, on deſſere pour le moins autant aux Maximes de l'Ancien Numa, qu'aux preceptes du Numen Eternel, quoy que vous puiſſent deſguiſer du contraire quelque Padre Iacinte, ou fray Dominigo de Ieſus Maria, ou vn Auditeur expectant, leſquels y ſont les premiers trompez, *Dum decipiuntur decipiunt & alios*, Le faux Dieu intereſt, eſtant le Dieu qu'encenſent bien ſouuent la plaiſſe part de ces Catholiques Caſuites modernes; Ce que ie vous repreſente, mes Peres, afin que vous vous deſiſtiez deſormais d'a-



cuſer nos Roys, Meſſieurs leurs Miniſtres, leurs Parlemens, & leurs Aduocats generaux, quand ils conſeillent autrement que vous vous eſtiez imaginé, & quand vous voyez que Dieu deſtruit en vne heure tous les pieux monopoles, que la Cabale eſtrangere vous auoit fait concerter en dix ans, avec des captieuſes radoubleures de pieté, au deſanrage de voſtre Patrie, & bien ſouuent de la Religion meſme.

Or il eſt bon de noter icy que les Religieux, tant rentez que portans beſace, ſont auourd'huy ſans hyperbole vne bonne partie du Royaume, principalement depuis la mort deplorable de Henry IV. & d'autant que le Prouerbe eſt tres-veritable, qui dit, que l'vne des parties du monde ne ſçait comme l'autre vit, il eſt neceſſaire de deſſiller les yeux à telles gens, leſquels avec les Catholiques ſimples & corrompus, qui ſont vn autre grand Corps, ont fomenté & fomentent les erreurs ſur erreurs que l'on a veu, & qui ſe voyent encore, & qui ont cauſé & cauſent la diuiſion entre les Catholiques meſmes, le tout faute d'auoir cogneu l'intention & les reſſorts de la Cabale eſtrangere: Car il faut que vous croyez tous pour conſtant comme article de foy, que depuis ſoixante ans en çà, il en a toujours regné vne occulte parmy nous, qui conuertiffant de iour en iour noſtre Religion en dangereuſe *Faction*, ne s'eſtudie qu'à nous entretenir dans la conſuſion, & à fasciner par vn ſpecieux pretexte, l'ardent zele des trop credules François, tout ainſi qu'elle ſcent dextrement apaſter la deuotion des bons Bourgeois d'Amiens avec dix noix, tandis que le Docteur Filſac leur preſchoit le Careſme.

Escoutez-donc sans desgoust, mes Peres, quelques particulieres erreurs, ou zele sans science, qui ont fait delinquer la plus-part des plus pieux, afin que recognoissans le mal contagieux, on le puisse methodiquement guarir, & esuiter d'y retomber à nostre confusion.

Je commenceray par vne remarque moderne, arriuee du temps d'un Fauory de nostre siecle, deuant lequel haranguant vn bon Pere flatteur, & voulant resueiller les Parisiens, s'exclama pieusement en ces termes; *Chrestiens auditeurs, on diroit quelquefois que nostre Dieu s'endort, ainsi que l'interpelloit iadis le prophete David par ces paroles, Domine, quare obdormis, de mesme qu'il sembloit que Dieu eust sommeillé iusques auourd'huy: mais par grace speciale qu'il s'esueille, en suscitant à la France vn si bon Catholique, comme estoit ce genereux Seigneur.*

Le zele de ce naïf Predicateur le faisoit ainsi parler, ne preuoyant pas que ce Fauory ne contrefaisoit le bon Chrestien que pour s'establiir en la bien-veillance de la populace. Aussi à ce discours les iudicieux assistans haussioient les espaules en baissant la teste; mais les simples pieux tressailloient d'aïse, s'imaginans desia de voir l'Herésie par terre, & la Palestine reconquise sur le Turc.

Vn autre Pere preschant encore deuant le mesme Fauory, qui estoit lors accompagné des plus grâds de la Cour, lesquels neanmoins reprouuoïent les hants desseins de ce champignon, dans lesquels ils preuoyent indubitablement la ruine de la France; nonobstant ce Iesuite ne laissa de l'esleuer iusques au Ciel, & de fulminer passionnément des Anathemes, contre ceux qui sous pretexte d'estre



5

bons François, auoient plustost des plaintes en la bouche pour deplorer la perte de l'Estat, que celle de la Religion, & qui alleguoient à tous propos qu'on ne pouuoit faire la guerre aux Heretiques, qu'en acheuans de ruiner le Royaume, & que c'estoit l'opinion de tous les bons François; *Voila le iargon des Politiques de ce temps*, disoit ce deuot personnage, *mais que ce n'estoit pas l'aduis des bons Catholiques*, ce qu'il repeta plusieurs fois coup sur coup; lesquels mots bien entendus ne signifioient autre chose en langage zelé, que *des bons Espagnols*: Aussi quelques-vns de la confrairie des Maheutres susvroient entre les dents, que ceste zelante boutade en faueur d'une hapelourde, ressentoit encore bien fort son leuain de la sainte Ligue, & le remugle de la vieille Cabale; O bon Pere! si vous n'estiez si estroittement lié à l'obedience au eugle, on vous eust bien tost reparti sur le champ, qu'il faut, il faut esuiter telles amphibologies, comme tres-dangereux equiuoques.

Ce monstre de faueur promettoit à la verité aux zelottes vn siecle Catholicissime, assurant quelques credules Docteurs de remettre l'Eglise en sa premiere splendeur, faisant en sorte qu'il n'y auroit plus qu'une Religion en France, introduisant par ordre de la Cabale des Iesuites par toutes les villes, iusques à restablir leur College dans Paris, contre les Arrests du Parlement, captiuans aucuns Religieux par visites, les Predicateurs par gratifications, les pieuses Casuistresses par bons accueils, & les Prelats par beaux complimens: de sorte que tous quittoient le Roy & son seruice, pour courir apres ce nouveau Iosué, *fatali omnium ignauia*, qu'on

appeloit autrefois à la Cour, Coyonnerie François.

Or estant aduenu la mort miserable de ce fauor-  
ry, qui se faisoit desia adorer par nos zelez, plu-  
sieurs d'entre eux ont bien osé publier sous main,  
que l'Eglise auoit fait vne grande perte en la per-  
sonne, bien qu'il soit notoire à vn chacun qu'il  
n'eust iamais affection au bien public, ny à la Re-  
ligion; & de faict le bruiet a esté tout commun,  
qu'il s'entendoit sur la fin avec le Chef des Hu-  
guenots, auquel mesme il auoit presté de l'argent  
durant la guerre ciuile.

Voila vn exemple moderne d'erreur, mes Peres,  
dans lequel la plus-part d'entre vous ont innocem-  
ment trempé, sans scauoir le bien & le mal qui en  
pouoit reüssir, que par les imaginations d'autrui.  
Dans le mesme labyrinthe d'auenglement, on vous  
a veu autresfois extrauaguer à tasts sur les affaires  
de Sauoye, tant durât qu'après la sainte Vniõ. Les  
bien-sensez pressioient Henry III. d'auoir raison de  
l'vsurpation du Marquisat de Saluces, comme de-  
puis Henry IV. son successeur l'a fait: mais les faux  
& idiots Zelants vouloient par erreur zelez qu'on  
attendist qu'il n'y eust plus d'Huguenots en Frâce,  
deuant que de faire la guerre à vn Prince Catholi-  
que, quoy que l'on vit en ce temps là, la Couron-  
ne des Lys foulée aux pieds du Centaure de ses du-  
catons. Et notez, mes Peres, sans neantmoins vous  
mettre en colere, que pareil jargon se tient encore  
aujourd'huy par plusieurs d'entre vous, lesquels  
soustiennent que le Roy ne se doit engager d'assi-  
ster ce Prince, qui est à present nostre allié, ny s'op-  
poser aux vsurpations que l'Espagnol fait dans l'I-  
talie & Allemagne, iusques à ce que sa Majesté ait



pris la Rochelle, & exterminé tous les Heretiques du Royaume auparavant : qui est en effect le mesmelangage des anciens Ligueus, dans lequel on retombe sans y penser. C'est pourquoy les bons Religieux se doiuent garder de discourir ainsi à tort & à trauers des affaires d'Estat, cù ils ne voyent gouttes, & encore plus de censurer les resolutions que les Ministres du souuerain prennent sur icelles, attendu le contrepied qu'on est contraint de prendre biē souuent pour sortir d'un mauuais bouibier.

Chacun scait comme durant la Ligue, le Connestable Desdiguieres lors Huguenot a guerroyé le Piedmond : cependant on a veu depuis ce temps là ledit Seigneur appelé, & receu dans Turin avec applaudissement par le Duc de Sauoye, quoy que de Religion contraire, & autrefois son grand enemy. Mesme le secours d'Angleterre imploré par ce Duc Catholique contre les fraternelles oppressions du Roy tres-Catholique des Espagnes, & ne faut point douter que les simplifiez Religieux n'ayent commis là dessus en leurs gloses extraordinaires d'estranges comminations, & preplexitez d'erreurs par des argumens pieusement cornus : iusques à ce qu'ils ayent esté ramenez au siéce par l'heureuse Catastrophe de ceste Tragi comedie d'Estat, terminee par nostre saint Pere le Pape, par Louys XIII. Fils aîné de l'Eglise, & par des alliances saintes.

Resouuenez-vous aussi s'il vous plaist, des faux bruits que la Cabale faisoit trotter de Cloistre en Cloistre deuant le deeedslamentable de Henry le Grand, sur le suiet de la protection de Iuliers, bien que commencee dès le regne de François I. que

n'a ton pas dit contre la glorieuse memoire de ce sage Roy, & en suite sur les appareils d'un pretendu blocus sur Geneue, assiegee en imagination par l'armee Espagnolle, afin d'y planter la Foy, iusques à susciter par toutes les villes de ce Royaume, des simples Religieux pour publier *pio mendacio*, comme on fait encore à present, que deux de nos Princes vraiment plus Catholiques que leurs Cabalistes, auoient dessein de se ietter dedans pour la defendre au cas qu'on entreprit de l'attaquer, à quoy ils n'auoient nullement pensé, ce neantmoins ils ne laisserent de semer ce bruit par les Conuents, le tout en intention de vilipender la France.

Que ne s'est-il pas dit encore pour descrier la proposition, que quelques vns auoient fait durant la Regence de la Reyne Mere, du mariage de Madame, avec le Prince d'Angleterre? Combien d'ames zeleees ont abhorré cette alliance au suiet de l'heresie: Cependant chacun a veu comme le Catholique Roy d'Espagne la chaudement recherchee, & le Pape mesme la autorisee. Pourquoi donc veut-on rendre nostre condition pire que celles de nos voisins? Et pourquoi trouue-t-on mauvais en nous, ce qu'on trouue bon en d'autres? Si ce n'est pas la malice de la cabale ennemie, à laquelle nous nous laissons duper.

Considerons icy vn autre exemple d'erreur, ou de malice tout fraichement arriué sur le sujet de la mortalité suruenüe dans le Conuent des Capucins de Calais. Il n'y a auourd'huy personne dans le Royaume qui n'aye entendu dire que cet accident auoit esté enfanté par l'inuention d'une bouteille de vin empoisonée, que quelques vns auoiēt  
donné



donné à ces bons Religieux, desquels quatorze moururēt soudain qu'ils en eurent beu: On en aveu vendre la representation en taille douce, & la crier publiquement sur le Pont-neuf, à Paris, & par tout ailleurs dans les villes du Royaume. Cependant la verité est qu'un de ces Peres auoit apporté la peste du Conuent de Doué, qui en suite auroit frappé tous les autres de la Contagion. Le Gouverneur de Calais l'ayant ainsi mandé au Roy, & le Maire de la ville certifié, apres auoir mis ordre à faire aërier la maison, & fait medecamenter quelques autres Religieux qui restoient malades. A quoy donc bon ce stratageme de semer parmy la populace vn bruit tout contraire à la verité, si ce n'est à dessein d'animer les esprits les vns contre les autres, & par vne mauuaise impression les porter à la mutinerie contre ceux qui n'en sont pas coupables, voire qui n'y ont seulement pensé. Tout cela est contre la charité Chrestienne, & ny peut auoir vn bon zele de Religion.

Je produirois icy vne centaine de telles impertinentes erreurs, mais l'exemple de nostre Sainte Vnion derniere est le plus demonstratif, nous en auons veu la naissance, le progres & le succez à nostre confusion; Et si le bon Conseil du Roy ny remedie, possible que la France n'est pas hors du danger d'en voir renaistre vne seconde, pire que la premiere. Et pour ceux d'entre vous, mes Peres, qui ne l'ôt veuë, ny osé lire, ny croire ce qui en estoit voycy ce qui s'en est recueilly de pl<sup>9</sup> certain, & qui merite bien d'estre consideré, afin de ne retôber si facilement en pareilles miseres, sous des pretextes si specieux que ceux qui sont masquez de Religion.

Je ne toucheray point pour l'heure sur les hauts intellects de la caballe estrangere qui agissoit en ce temps là, parmy les ames Françoises Catholiquement Espagnolisees, par la drogue du Peru, craignant d'esbloüir les simples Nouices. Il me suffira de vous dire, mes Peres, qu'un bon Ieluite en apporta la premiere semence de delà les monts, croyant en son ame Apostoliser Henry III. tout porté au zele le receut tres-favorablement, mais le Parlement de Paris, qui par sa longue experience scait penetrer les abysses de telles negoces, s'appercent qu'on auoit baillé à ce pieux Pere, au lieu de graine de bons choux-fleurs, de la belle graine de moustarde, laquelle par sa ressemblance prendroit infailliblement (comme de fait elle prit) les credules François au nez: C'est pourquoy il decreta prise de corps contre ce bon Religieux, appelé Bernardino Castorio, & contre le sire Thomas Brumez Libraire Juré de l'Vniuersité, qui furent assez longuement prisonniers dans la Conciergerie du Palais. Dieu scait si ce fut sans crier à la persecution, iusques là, que certains predicateurs declamerent à toute outrance contre ce venerable Senat, qu'ils appelloient auteurs d'heretiques, & Machiauelistes, Maheutres, ainsi qu' auparauant les pretendus Reformez, notez, mes Peres, les auoient baptisez Politiques, par un liure qu'ils firent contre le Parlement.

Or il vous faut scauoir que l'instruction de ce bon Padre Iacintho, ie veux dire Bernardino Castorio, ne contenoit autre chose, Qu'une exhortation à tous les Catholiques de s'unir ensemble, & faire par tout des prieres publiques, pour appaiser l'ire de Dieu. Il ne se peut rien dire de plus specieux



que cela : Ce qui fit que le Roy Henry III. com-  
 mença mesme des premiers par des processions de  
 Penitens blancs & bleuz. On le veid aller de Pa-  
 ris à nostre Dame de Chartres à beau pied sans lan-  
 ce, en habit de Penitent, & reuenir de mesme, en  
 temps d'Hyuer, ayant par fois l'eauë iusques aux  
 genoux, à cause du desbordement des riuieres. Les  
 Euesques, Religieux, & Peres Capucins qui l'ac-  
 compagnoient, & ceux qui viuent encore, peuuent  
 tesmoigner si ce bon Prince faisoit cela par hypo-  
 crisie, ainsi que les faux François le publioient sous  
 main; iusques-là, qu'il eschappa au Pape Sixte V.  
 de dire que le Roy de France faisoit tout ce qu'il  
 pouuoit pour deuenir Moyne, & que luy Pape fai-  
 soit au rebours, tout ce qu'il pouuoit pour deuenir  
 Roy. Voila comme il estoit deschiré de tous co-  
 stez, par ceux qui se mocquoient de ses veritables  
 deuotions.

Ce bon Roy fit encore vn autre pelerinage à  
 nostre Dame de Boulongne de Long-champ, ou  
 ses plus familiers allerent pieds nuds, quoy qu'il fist  
 froid & fangeux, entre lesquels estoient les Com-  
 tes de Torigny, du Bouchage, & beaucoup d'au-  
 tres. Les peuples aussi firent de tres-belles & nom-  
 breuses Processions blanches, ordonnées, disoit on  
 pour l'extirpation de l'heresie; le saint Sacrement  
 y estoit porté trois, quatre, cinq & six lieues loing,  
 hommes, femmes, filles & garçons, estans tous re-  
 uestus d'Aubes blanches, portâs chacun vne Croix  
 en la main, & chantans pieusement par monts &  
 par vaux, *Aue Maria Domini mei*, &c. puis le *Kyrie*  
*eleison*.

En tout cela mes Peres, il n'y auoit que toute

W sainteté & pieté, tout ainsi qu'au dessein de la  
 Congregation, de la Propagation de la Foy, qu'on  
 essayé d'introduire aujourdhuy pour conuertir les  
 Heretiques; mais quand en suite, les iudicieux  
 s'apperceurent que selon la preuoyance du Parle-  
 ment, la Cabale auoit tiré du liure du bon Iesuite  
 Bernardino, le Prelude de la Tragedie qui s'en sui-  
 uit par ce tant specieux Manifeste de la Sainte  
 Vnion. Ils virent aussi tost vne generale inonda-  
 tion d'armées Françoises & Estrangeres par tout  
 le Royaume, le sang respandu par ces erreurs à la  
 bataille de Coutras, les baricades de Paris, l'action  
 de Bloys, le parricide de saint Cloud, le combat  
 d'Arques, la deffaite d'Yury, l'horrible famine de  
 Paris, la surprise d'Amiens, la perte de Cambray,  
 le sac de Dourlans, les Eglises & Monasteres ab-  
 batus par les mains des plus affidez zelottes, les sac-  
 cagemens des villes & fauxbourgs, les Parlemens  
 traînez par des maraux, les vns à la mort, les autres  
 aux prisons, ou en exil. Ne vous en ressouuient-il  
 plus, Messieurs les zelez? Et au partir de là, les  
 Aubes blanches de nos ardents pelerins conuerties  
 en casques, cuirasses & corcelets, les Croix en  
 halebardes & mousquets, & l'*Aue Maria Domini  
 mei.*, en ces furieux mots, qui viue, mort, chair, &c.  
 Et d'autre costé les Maheutres, Realistes, Gau-  
 tiers, Chastillonnois, Lipans, trainoient apres eux  
 vne Iliade d'horribles desolations. Adonc plu-  
 sieurs simples zelez, avec les vrais Catholiques,  
 commencerent à se rememorer des sages aduis du  
 Parlement, & admirer la preuoyance de ces grands  
 Senateurs, lesquels preferans (comme font encore  
 les prudents Ministres du Roy) la tranquillité de



l'Eglise & de l'Estat à leur propre repos, auoient esté persecutez, ainsi qu'ils sont encores à present, pour s'estre opposez aux erreurs populaires, & pour auoir osé aduertir que la France eust à preuenir les Catholiques rauages qui se preparoient sous tels escueils, pour engloutir plus aisément les vns & les autres. Ce qui doit seruir aux François d'une docte leçon, laquelle nous deuons bien estudier tous les iours, si nous n'auons enuie de retomber dans les mesmes pieges & calamitez.

En suite de ce que dessus, il est bon de remarquer encore qu'un peu auparauant ces zeles émotions, Philippes second Roy d'Espagne, qui deuoit payer les Menestriers de la feste, & les cousteaux de la tragedie (comme son petit fils est encore tout prest de faire, si les François luy veulent donner la main) auoit fait un riche present à l'Abbaye de S. Denys en France, d'une grande lampe d'argent, en recognoissance d'un Reliquaire de S. Eugene qu'il auoit impetré du Conuent, & auquel il disoit auoir une grandissime deuotion. Le premier President de Harlay, notez cecy mes Peres, fut d'aduis avec quelques Conseillers, de supplier le Roy que cette lampe fust fonduë pour conuertir en quelques ornemens ou autre embellissemens de ce Monastere, & sur tout qu'elle ne fust point penduë en un lieu eminent, craignant, comme il aduint & aduiendra encore, si on n'y prend garde de bien pres, que le credule peuple de Paris, qui court tousiours apres la nouveauté, allast à la foule en procession adorer ceste digne lampe, au preiudice du Souuerain, pour l'amour de ce bon Roy Catholique, que le Pape deuoit beatifier, & qui ne deuoit rien, di-

soit-on à la deuotion de nostre Roy Louïs XI.  
vray Prototype de telles pietez.

Mais ce fut bien au Parlement à se taire: car les  
Courtisans Cabalistes, secondez des Catholiques  
simplifiez, luy firent faire des seueres reprimendes  
par Monsieur le Nonce, à raison de tels controol-  
lemens qu'ils appelloiét impietez, tout ainsi qu'au-  
iourd'huy on appelle Heretiques, ceux qui descou-  
urent les Catholiques piperies dont se sert l'Espa-  
gnol pour nous perdre. Car c'est maintenant he-  
resie que de donner aduis aux François de penser à  
leur conseruation, aussi bien que durant la Ligue.

Et neantmoins, mes Peres, le temps, qui est vn  
grandissime Docteur, a fait cognoître que ces  
Françoises Cassandres, par leurs pronostiques, a-  
uoient bien auguré que ceste benoist: lampe es-  
claireroit tost ou tard le grād chemin de Paris aux  
garnisons Espagnoles, que les mal aduisez zelotes  
y appellerent sous pretexte de venir secourir Dieu  
& son Eglise en Frāce, l'appetit d'un si friand mor-  
ceau leur faisant d'un autre costé abandonner Dieu,  
& l'Eglise en Hollande & en Hongrie.

Plusieurs qui sont encore dans la Cour, ont veu  
toutes ces choses, & Dieu qui ne veut pas qu'on se  
moque de la Religion, permit que par les propres  
mains de ces deuots Cabalistes, non seulemēt cette  
superbe lampe, mais mesme le Crucifix d'or, &  
tous les sacrez thresors de saint Denys furent fon-  
dus & confondus, comme si Nabuchodonosor, ou  
l'armee de Mansfeld y eust passé.

Mais quoy, quand Dieu veut punir les hommes,  
il leur oste l'entēdement, ou par heresie, ou par su-



perstitution: C'est pourquoy le Prophete au suiet de pareilles erreurs crioit, Allez ie suis d'aduis que voyans vostre malheur vous ne daigniez le voir, & l'oyans, desdaignez de l'ouyr, de mesme en est-il du siecle d'aujourd'huy, qui est si réply de desnaturez François, qui ne veulent voir les maux pressans qui nous talonnent, estans si ambeguinez d'hypocrisie, qu'ils osēt mesmes excuser les frauduleuses pieteze de la cabale estrangere, sans laquelle, disent-ils, en blasphemans contre Dieu & ses miracles, nostre Eglise seroit peut estre en pire estat qu'elle n'est. Et sur ce fondement pourry, la pernicieuse bigotterie du temps, va preschāt par tout pour article de foy, qu'il est impossible d'estre bon François & bon Catholique tout ensemble: & de là viēt que plusieurs corrompus vont persuadant aux niais, que pour aller en Paradis il faut porter en sa pochette la clef doree du Roy d'Espagne, comme font les Gentilshommes de sa chambre, ou autrement l'entree nous en sera interdite.

O François, qui auez des-jā mis en oubly les malheurs qu'ont produit les zeles piperies de la Ligue, & les calamitez que les Sophistes Casuites vous ont fait souffrir sous ombre de Religion! O Gaulois, disoit Cesar, qui ne vous ressouvenez, ny des biens, ny des maux qu'on vous fait! O mes Peres, n'allez plus si viste dans vn aveuglement, ne censurez plus si legerement les Ministres qui veillent pour le salut de l'Estat, sçachez que ceux qui sont plus Religieux que superstitieux, & plus judicieux qu'Acariatres, sont guaris d'une erreur si palpable, recognoissans tous les iours, que

les Rois & les peuples trouvent ordinairement de bien plus certaines precautions és vieux Registres des Parlements, que és cahiers chiffrez des Esperculats Transmontains & Partialistes Courtisans, ainsi que Henry III. l'aduocia à son Parlement à Chartres, où il estoit réfugié, apres que les deuots Ligueurs l'eurent chassé de Paris aux catholifantes baricades.

C'est pourquoy aussi, mes Peres, la cabale Estrangere travaille tant pour decréditer les Parlemens, qui sont neantmoins les seuls solides archboutans de l'Estat, & les plus asseurez sentinelles qu'aye la France pour descourir & s'opposer aux attentats des raffinez Charlatans du siecle, qui laissent le grand chemin Royal pour suivre leur ambition, laquelle ils ne peuuent assouvir que par l'aneantissement des Loix, en reduisant par des plausibles pretextes ces sages controolleurs de Catilinaires, en mesme predicament qu'ils ont en fin reduit ceste pudique Sorbonne iadis tant celebre, & maintenant à demy decréditee, pour auoir par ses Decrets prophetisé dès l'assemblée de Poissy, la diuision que ceste dangereuse cabale feroit naistre parmy les Catholiques, en ces mots remarquable, *Ecclesiæ pacis perturbatua, &c.* laquelle prophetie a bien desmenty des Archiligueurs, qui publioient & publient encore; que les Decrets de la Sorbonne ne passent iamais la riuere de Seine, car elle a fait clairement cognoistre en peu de paroles à tout l'Europe, qu'elle auoit descouuert le mal, & que nostre diuision changeroit les Catholiques simples, en Catholiques composez *alias* Espagnolisez



pagnolisez, les subiets du Roy en Ligueurs, & la Religion en belle faction Estrangere, dont naistroient les troubles, saccagemens, sacrileges, & parricides maudits, tels que nous les auons veu, & voyons encore en ce temps, au grand regret des Catholiques François.

— Mais quelques factionnaires ardans repartiront icy, que si ces Oracles du Parlement sont si veridiques, pourquoy le Roy à present a-il fait reſtablir les Iesuites en leur College de Clermont, nonobſtant leur opposition? Et pourquoy Henry III. fit-il abatre la Pyramide du Palais, eſſeuee par leur Arrest? La reſpoſe à cela, mes Peres, eſt, que le Parlement comme diſpensateur des loix, l'a deu faire ainſi, & les Roys comme moderateurs d'icelles les peuuent modifier, ſans que leur clemence puiſſe pour cela taxer les iuges d'iniuſtice.

Ce maudit excrement de Iean Chaſtel, par vn endiable prurit de faux martyre à la moderne, ayāt attenté à la perſonne ſacree de ce grand Prince, par vn coup de couſteau porté en ſa bouche, cuidant le frapper au cœur, ainſi qu'a fait depuis le deteſtable Rauaillac: Il ſe trouua par la confeſſion de cet enſorcelé parricide, qu'il eſtoit infecté d'abominables inſtructions Mariannes, & Marannes, & que ſon Pere directeur de conſcience, l'auoit nourry en certe furieuſe ſuperſtition, les documens en ayans eſté trouuez ſur la table de ſa chambre, où ce Sathanique hypocondriaque zelé, n'alloit que trop ſouuent, cōme le depoſa ſa mere. Là deſſus le Parlement condamna le Parricide & ſon Directeur Caſuite à la mort, & ordonna que la maiſon où eſtoit né ce ieune monſtre ſeroit rafée, pour y eſtre

esleué vne Pyramide, où seroit graué l'Arrest en lettre d'or, pour memoire perpetuelle d'un si prodigieux acte.

Du depuis ayant semblé bon à vn si bon Roy, pour des considerations du temps, d'enuoyer vn mandement à ces iustes Iuges, pour faire demolir sans bruit ceste Royale Pyramide, & apres quelques iussions, l'ayant de puissance absoluë fait abatre, qu'en peut mais le Parlement? Tout homme bien sensé laissera-il de iuger, que par la desmolition de ceste Pyramide, on en a esleuee vne d'honneur à ce venerable Senat, & vne tres-haute de clemence au Tres-Clement Henry le Grand?

J Mais direz-vous, le Parlement a vsé de tres-seueres reprimendes enuers les Peres Iesuites, & le Roy au contraire les a receus fauorablement en grace? Il est vray, & tout bon Chrestien non superstitieux en admirant l'excez de la bonté de nos Roys, ne laissera pour cela de louer publiquement la magnanimité de ces sages Senateurs, d'auoir prononcé le bannissement de ceux de ceste société, à raison des malheurs qu'ils preuoyoient de leurs dangereuses maximes: Car vous poués bien iuger en vos ames, mes Peres, que ce n'a point esté à cause de leur pieté & zele enuers la Religion, leur charité & diligence à catechiser leurs Escoliers & Seminaires; leur ardeur à reprimer le Schisme, leur estude à s'efforcer d'arracher l'yuraye du champ del'Eglise. Bon Dieu! il y auoit bien d'autres symptomes en la maladie d'aucuns de ces bons Loyolistes, plus simples que bons simples, auxquels la Cabale astucieuse fait arracher à tous propos *Zizium* pour *Lolium*; sans qu'eux mesmes s'en apper-



çoient à raison de *los Antois*, que leurs correspondans Transmontains leurs mettent au nez, qui leur font faire deux besongnes à la fois, n'en croyans faire qu'une. Ainsi le bon Pantalon voulant tromper son valet Zany, qui estoit trop gourmand, le faisoit manger avec des besicles, qui representoient les morceaux de viande sur son assiette, dix fois plus gros qu'ils n'estoient: & par ce stratageme Zany pensant auoir bien mangé ne laissoit de mourir de faim, d'autant qu'il ne se repaissoit que de l'ombre: come font encore tous les iours beaucoup de simples Capucins, qui s'entremessent des affaires d'Etat, & qui gastent tout en pensans bien operer, d'autant qu'ils suivent les instructions de ceux qui sont plus Matois qu'eux, lesquels ne leur disent le *Tu m'as* des menées, se seruans de leur simplicité pour faire leurs coups, comme fait le singe des pates du chat pour tirer les chataignes du feu.

Que si les hommes par lascheté volontaire veulent ignorer les causes des malheurs suruenus à la France, par les monopoles de telles gens, les Anges le publieront vn iour tout haut, & feront cognoistre aux Acariastres factionnaires, la grande difference qu'il y a entre le saint Ministère de la Religion, & le caché mystere de ces peres.

L'institut premier des Iesuites, ainsi qu'il s'exerce à Rome, Madril, & autres villes d'Espagne, est de telle recommandation, que non sans cause vn Roy de Portugal les appelloit Apostollos: mais estant arriué qu'aucuns d'eux pour auoir esté paistris ou catechisez à Douay, Arras, Dolle, Bruxelles, Anuers, Naples, Milan, & autres villes, ou s'impriment ces Liures de *Mysteria Politica*, & *Ad-*

*monitio ad Regem Gallia*, & ou la cabale estrangere tient ses Bureaux & monopoles, se seroient laissé seduire plusieurs fois par obediencie auueugle, à cōmettre des erreurs visibles & sensibles à la France, cela les a rendus suspects à la Sorbonne, puis reprehensibles & iusticiables des parlemens; Qui sera-celà dessus qui demeurera si aheurté à ceste fatale hapelourderie, de se fantasier que des compagnies si celebres les ait voulu reprimender sans suiet?

Quant on a executé Grenet à Londres, ce n'a pas esté a cause qu'il estoit de la saincte societé du nom de Iesus, mais pour estre autheur de la cōspiration de la diabolique foucade d'Angleterre; Quand on a pendu en Greue à Paris le Pere Guignart, ce n'a pas esté pour estre Precepteur de Iean Chastel: mais pour l'auoir induit à tremper ses mains dās le sang de nos Roys: Et quand on a chassé du Louure le Pere Cotton & le Pere Arnoux, ce n'a pas esté au suiet qu'ils estoient Confesseurs du Roy: mais seulement pour ce qu'ils mesloient vn peu trop d'intrigues de Cour, dans les menus suffrages de leurs Breuiaries: Ainsi, mes Peres, quand on chastie vn Religieux, ce n'est pas pour la Religion, c'est pour ses fautes, & en tels cas, il ne faut pas crier à chasque bout de champ, qu'on en veut à l'Eglise, comme font les furieux Cabalistes de ce temps, ou les simplifiez Religieux, qui tournent toutes les affaires de l'Estat en cas de conscience. On ne pendit point ce grand Predicateur Sauanarola pour estre Iacobin, ny pour auoir presché contre les deprauations du siecle, mais bien pour les auoir trop librement preschees: car il damnoit Papes & Cardinaux, Florentins & Luquois, deuant



qu'ils fussent morts, ainsi que quelques-vns font à présent quand on ne fait point les choses à leur fantaisie. Ce que Sauanarola faisoit avec telle vehemence, que les peuples estoient disposez à perdre tout respect deu aux Magistrats d'Italie, de sorte que quand nostre Roy Charles VIII. alla conquerir le Royaume de Naples, il trouua fort peu de resistance en ces quartiers là, s'aydant de la fatale superstition des Italiens qui estoient comme hebetez par les predications de cét homme qu'ils tenoient pour Sainct. Predications affectees pareilles quasi à celles dont la cabale se sert auourd'huy parmy nous, pour beffler les François & affoiblir la France.

Lors qu'on fit pendre dans Florence l'Archeuesque de Saluiati, ce ne fut point pource qu'il estoit Archeuesque, mais pour la coniuration par luy & ses partisans executee dans l'Eglise de sainte Reparde durant la Messe, contre Laurens & Iulien de Medicis. Ce ne fut pas de mesme quand ils pendirent le Cardinal de Pise, Legat du Pape, en son habit Pontifical; car ce fut vne action de Zelotes, pareille à celle des seize de Paris, quand ils pendirent catholiquement le President Brisson, & de ceux de Thoulouse, quand ils mirent à mort ce fidelle seruiteur du Roy, le President Duranty.

Quand l'Empereur Charles Quint fit pendre l'Archeuesque de Zannora, & autres Prelats de la sainte Vnion d'Espagne, d'escrite par Gueuare, ce ne fut point que toute S. Vnion luy fut odieuse, mais le pretexte en estant monopolé contre ses plus confidens, il trouua expedient d'en faire expedier les Auteurs.

A la verité aussi, quand les Roys ne remedient de bonne heure à tels faux pieux attentats, qui sont capables de mettre les peuples en combustions, comme sôt les specieuses cabales d'apresent, Dieu permet que le malheur tombe ordinairement sur eux les premiers: car par nature le peuple suit tousiours le mauuais party, & appetite comme les estomachs cacochismes, les choses qui luy sont contraires: C'est donc aux Parlemens à y remedier seueremēt, sans espargner ny faux Predicans, ny fols Predicateurs, qui soufflent d'ordinaire aux oreilles d'une populace imprudente: autrement ils traineroient encore avec leur zele indiscrets, les Magistrats dans la Bastille, ainsi qu'ils ont fait autrefois à Paris; ou parmy les ruisseaux, comme à Thoulouse.

Sçânez-vous, mes Peres, combien de maux couue quelquefois vn zele indiscret? Pour le vous faire comprendre plus facilement, ie vous en veux faire la comparaison avec vn pueril accident arriué de nostre temps. C'est que durant la sacro-Sainte Vnion, les habitans de Louviers en Normandie, laissoient faire à leurs enfans des petites processions zelee, à l'entour d'une Eglise du faux-bourg, & portans chacun vne petite chandelle ardente; il arriua qu'un d'entr'eux y mit innocemment le feu, dont les Peres en portèrent la folle-enchere, en ce que des materiaux de ceste Eglise bruslee, on en fit construire par apres vne Citadelle en leur ville, pour leur apprendre à prier Dieu comme il faut, & à n'abandonner leur Roy, pour courir apres des phantomes & protecteurs estrangers.

Seroit-ce, mes Peres, s'esloigner trop du vray, de comparer les simplifiez Religieux, qui mettent le



feu, & troublēt sans y penser leur patrie, par l'excez de leur zele indiscret, à ces pauvres innocents, enfans de Louviers? Je laisse cela à iuger aux plus iudicieux d'entre vous: c'est pourquoy ie soustiens qu'il est tres. necessaire que ceste auugle obediēce des Religieux, soit illuminee par l'antique Sorbonne, & continuellement controollée par le Magistrat, tout ainsi qu'en Italie, Espagne, ou les souverains sont Maistres de la Religion & des Religieux, de l'Inquisition & des Inquisiteurs.

Aussi est il bien vray que c'estoit le dessein de Henry le Grand, en r'appellant les Iesuites en son Royaume, de s'en rendre luy-mesme le Pere Directeur; & de leur bailler pour general son Chancelier, pour Prouvincial son premier President de Paris, & pour Pere Recteur, Monsieur son grand Aumosnier, mais le funeste coup qui mit ce Prince au tombeau, a fait que tout a reussi autrement.

C'est pourquoy ceux ausquels il reste encor vn peu de charité enuers la patrie, ont bien suiet de prier Dieu à mains iointes, voire à chaudes larmes, que nostre Roy Louys le Iuste, reprenne les arres de ce haut & prudent dessein de ne leur nommer tels personnages pour adioints: car s'il falloit qu'en ceste adoption par obediēce auugle, ou par erreur zeleē, ils prestassent encores tant soit peu l'oreille à la cabale estrangere, soit directement ou indirectement, nous pouuons hardiment crier de bonne heure avec S. Pierre, *Domine salua nos perimus*: & ne faut pas douter que nos lys & nos Loix ne courussent grand hazard, principalement en ceste veine de temps, auquel la cabale s'efforce de fomenter vne guerre ciuile dans le Royaume, & d'e-

stabilir des authoritez estrangeres au preiudice de celle du Roy, & du repos de ses subiets.

Vous pouuez aduouer, mes Peres, par le recit veritable des choses cy dessus, à combien d'erreurs sont subiettes les simples & Religieuses personnes ils presument tout faire, *Ad maiorem Dei gloriam* : & en combien de pieges les plus deuots des Cloistres peuvent tomber, lors qu'ils se laissent piper à ce friant appas de simulee Religion en derriere du Souuerain.

Pour confirmer d'auantage ce que ie dis, oyez d'abondant ceste verité, de laquelle vous pouuez estre maintenant esclaircis és personnes de Messieurs les Ducs d'Espernon, & de Bellegarde, contre lesquels les Iesuites & Ligueurs ont tant & tant declamé, & maintenant ces bons Peres sont contraincts de s'en desdire, recognoissans leurs erreurs passées, qui ont cependant causé tant & tant d'horribles desastres, desquels il semble qu'on ne s'en resouuienne quasi plus.

Si se doit-on pourtant bien rememorer des execrables monopoles qui ont esté faits à leur occasiō durant le Regne de ce trois fois bon Roy Henry III. que les furibonds Catholiques, par les complots de la cabale estrangere chasserent de sa ville capitale, & mirent en fin proditoirement à mort à S. Cloud, par l'organe d'un Moynetton, Cathechisé de leur main, qui fut sanctifié *ad tempus*, par ces ames maudites, qui en suite exposerent le Royau-me au carnage, pillage & desolation.

Il y a bien peu de ces zelateurs suruiuans, s'ils ne sont ogillez de lepre, qui n'abhorrent maintenant tout haut les pieux tours de passe-passe de ce tēps là: Car



là: Car beaucoup y alloient à la bonne foy, & ne failloient, comme on fait encore, que par contagion: de maniere que ce bon Roy pour n'auoir voulu croire les aduis de ses fideles seruiteurs, ny sceu preuenir le mal qui se couuoit par l'artificieuse bigotterie des Ligueurs, il donna temps à la cabale des Moynes de le descrire à ses peuples, & de bouleuerfer son Royaume, tout ainsi qu'ils ont fait à present par ce commun artifice d'extirpation d'heresie, vilipendans & deschirans d'opprobres ses favoris de Ioyeuse, la Valette & Bellegarde, mais sur tout contre Nogaret, que le Roy auoit fait Duc d'Espemon.

Il ne se peut dire les furieuses maledictions, dont la Caballe fit accueillir ce nouueau Duc, le faisant publier & prescher par toutes les villes de France pour vn Archi-heretique, vn Athee, qui auoit esté au Sabat des Sorciers, qui auoit fait la Cene de nuit avec les Huguenots, puis le lendemain Communié avec les Catholiques: En somme vn Astroth, Gauaston Gomorrhiste, iusques à se despeindre aux boutiques avec des cornes, hideux comme vn Diable qui tente saint Anthoine aux deserts.

Ce sage Seigneur scait, si ie dis la verité, & ceux d'entre-vous, mes Peres, qui estoient en ce temps-là se peuuent resouuenir, que les plus feruens Religieux reformez, & renfermez, mesmes les Predicateurs les mieux suivis, commentoient & mentoient à qui mieux mieux sur ses conuices, & sur tous les Iesuites, qui les attestoient sur le peril de leurs ames, estre tres-vrays, quoy que tres faux, comme le temps l'a fait cognoistre, ny ayant en France vn meilleur Catholique que luy, & qui ex-

pose encore tous les iours sa vie à mille hazards pour la defense de l'Eglise.

Il laisse cependant à ruminer à tous bons Peres contemplatifs, combien il a fallu d'annees, de mois de quarantés heures, de Iubilez, de vœux à Nostre Dame de Laurette, & de Mont-Serrat, & bastir des Chappelles aux nouveaux Conuents, à cet accord Cadet de Gascongne (ainsi l'appelloient-ils) pour estudier ces calomnies, & se faire recognoistre par ceux mesmes qui l'ont tant vilipendé pour vn autre Anticabaliste des Zelans, à la confusion des Corriuaux.

Monsieur le Duc de Bellegarde pour se garantir de leurs dêts venimeuses, n'a pas aussi esté exempt de telles pieuses occupations. Ces deux Seigneurs Gascons ayans rendu des febues à ceux qui leur auoient presté des poids.

Autant les Ligueurs ont-ils fait à toute la maison de Bourbon, afin qu'en d'escrians les heritiers, ils peussent plus ay s'emét s'approprier de la succession Royale: Et pour remarquer bien clairement les mouuemens malicieux de ceste Cabale qui vit encore, il ne faut que considérer ce qui s'est passé contre Monsieur le Prince ces dernieres anneés, lesquelles on l'accusoit faussement d'estre entaché de vices honteux: mais depuis qu'il a approuué la guerre dans l'Estat & qu'il a esté à Rome, où il s'est assis apres le dernier Cardinal, on n'en a plus dit de mal, les Iesuites ayans mesme approué qu'il annexat l'Abbaye du Bour-Dieu à son domaine de Chasteau-roux: Que s'il eust poursuiuy ceste actiō en vn autre rencontre de temps, il n'eust pas esté bon à dōner aux chiens, tant les bigōts eussent fu-



rieusemēt clabaudé contre luy, & par là les simples Religieux peuuent remarquer que les espiegles Casuites de ce siecle, tournant les choses de consciences selon les intereſts de leurs complots : Hé! puis, mes Peres, allez vous mêler d'homelieſur sur les deportemens des grands de la Cour, & principalement en vne saison où les diuers intereſts s'entrechoquent aux despens du Roy, & du public.

Encore ceste histoire, la Royne Louyse femme pieuſe de ce pieux Roy Henry III. présenta requēſte à Henry le Grand, pour luy rendre iuſtice de l'assassinat, commis en la ſacrée perſonne de son mary, il l'a renuoya au Parlement, elle y produiſit ſes griefs contre Bourgouin, Prieur des Iacobins de Paris, luy fait confrôter des Iacobins meſmes, qui par leur deposition le rendent notoirement complice du Parricide Clement : Le Parlement condamne Bourgouin à la mort, comme conuaincu du crime de leze Maieſté, & les ligueurs le preconioient Martyr, auſſi bien que l'assassin Moyneton, duquel le portrait a eſté publiqūement vendu dans Paris, Rome, & Madril, voire mis ſur les Autels, non ſeulement comme Beat, mais comme bienheureux Martyr.

O ie demanderois volontiers, mes Peres, ſi Bellarmin, Tolet Suares, Manuel Sa, & autres modernes esplucheurs de cas de consciences, pourroient ſans enorme ſophiſtiquerie accuſer ce ſage Parlement d'auoir rendu Iuſtice à ceste Reyne veſue, & excuſer legitiment les zelez ligueurs d'erreur abominable? d'auoir preuenu Rome à canonifer le parricide Clement, quoy que les anciens Docteurs de Sorbonne criaſſent tout haut qu'ils

n'auoient iamais veu, ny leu qu'on peut faire d'un  
 homicide, vn Martyr; & d'autres vrais Catholiques  
 Theologiens preschans, que ces Iscariotes Zelants  
 estoient vrais Pharisiens, Gueldes & Gibelins, non  
 point Chrestiens ? puis que la Cour de nos Roys  
 sacrez, & de toute la France, ils n'auoient pas de  
 honte d'en faire sans horreur vn Acheldema, & vn  
 Cimetiere sanglant. Y a t'il Casuiste qui puisse non  
 plus approuuer, la voye de feu & de sang, dont on  
 vse maintenant pour exterminer plus prompte-  
 ment les Heretiques ; quand il considerera les  
 grands fruiçts que l'Eglise tire auourd'huy par le  
 zele & pieté de plusieurs Seigneurs, Officiers &  
 autres, qui se sont conuertis depuis trente, quaran-  
 te & cinquante ans, les ames desquelles seroient  
 peries dans l'heresie, si on eust saccagé & tué tous  
 les Huguenots, il y a 40. & 50. ans, comme quel-  
 ques vns soustiennent qu'il faudroit faire à present  
 au lieu que l'Euangile nous commande de laisser  
 croistre l'yuroye iusques à la moison : les Apostres  
 l'ont pratiqué ainsi ? & ne voit-on pas qu'ils ayent  
 iamais eu recours au cousteau ny au glaue, le salut  
 des desuoyez deuoit estre aussi cher aux vrais  
 Chrestiens que le leur propre, estant tres certain  
 que les zelez, sanglants & mutins, ont tousiours  
 esté desplaisans à Dieu, & aux gens de bien.

Les Parisiens se Peuvent-ils ressouuenir sans  
 rougir du beau vœu de la Nef d'argent à Nostre  
 Dame de Laurette, que Messieurs les Seize leur  
 firent faire apres le siege leué par le Prince de  
 Parme, puis que le succez a fait voir que ceste de-  
 uotion n'estoit que pour les empescher de se ren-  
 dre au Roy, l'Espagnol ne visant qu'à les entrete-



nir en leur rebellion, afin que la necessité les' contrainit de se ietter tout a fait entre ses bras, comme ils firent gentiment apres; Vœu donc tres impertinent, quoy qu'il fut appuyé du Legat Caetan, puis que le but n'estoit que pour endurcir le peuple en son opiniastreeté contre son Prince legitime, iusques à abuser du nom de cette Reyne du ciel, comme si elle se laissoit surprendre à la malice des hommes.

Voila comme nos predecesseurs pour s'estre laissé niaisement apaster par tels pieux hameçons, ont cuidé bouleuerfer ceste Monarchie, en appellans les Espagnols, qui sans doute eussent essayé de decretter cette Couronne, s'ils n'eussent rencontré vn Henry III. & vn reste du bon Genie des Parlements, qui s'opposèrent à ce faux zele desnature. Aquoy aussi la surveillance du Pape Clement VIII. seruit grandement en ce qu'il eust pitié de voir ces frenetiques François se laisser manger aux loups en despit des Huguenots, estant tres-certain, que si ces loups pieux de ce temps-là, eussent mis leurs pattes sur l'vne de nos trois fleurs de Lys seulemēt, ils n'eussent gueres tardé par apres à engloutir la Thiare du saint Siege, *Benedictis Dominus qui non dedit nos in captionem dentibus eorum.*

Or les Religieux simples, & les Catholiques composez, pour excuser contre tant d'aveuglemens passez & presents, croyent estre bien lauez quand ils crient, Quoy donc? l'heresie sera-elle tousiours envogue?

Deuant que respondre à cest eschapatoire, ie suppliray charitablement tous bons Peres de reuenir prealablement à eux, & d'auoir cette ferme

croyance, meſme la faire ſçauoir fraternellement à leurs Généraux que tous ces excez de pieuſes frénaiſſes, enſâtées par vn pretendu zele de Religion, n'ont fait que diuiſer les Catholiques, & diuiſent encore tous les iours les ſubiets du Roy; à quoy les Parlements deuroient vertueuſement ſ'oppoſer ſ'ils auoient de la vigueur, la huiſſe d'eult elle encore etier contre eux, à l'heretique, comme du temps de la Ligue.

Certainement l'apprehenſion des bons Religieux de l'accroiffance de l'Heréſie, ſeroit non ſeulement excuſable, mais louable, ſi ſe frappans maintenant la poictine ils daignoient confeſſer, que la précipitation des violens preparatifs de la ſaincte Ligue, a eſté la principale machine qui a donné le vent en poupe à l'Heréſie. Que ſ'ils diſent que nos guerres dernieres l'ont grandement abbatuë, on peut reſpondre, qu'elles ont auſſi grandement releué le cheuet à l'Eſpagnol, qui nous menaſſe à toute heure de nous engloutir, en recompenſe de l'aſſiſtance qu'il a receu de la France, en ces derniers troubles de Boheme, tant il eſt charitable: Et par là il eſt bien difficile de iuger à preſent, qu'elle heréſie eſt la plus dangereuſe pour nous, ou celle de Caſtille, ou celle de la Rochelle?

Ainſi de tous nos maux, il ne ſ'en faut prendre qu'à l'inſidieuſe pieté des Cabaliſtes eſtrangers, qui pour ſ'agrandir nous broüillent tousiours, ayans l'induftrie avec leurs Patinoſtres, de faire mourir les ſuperſtitieux, dont le nombre eſt infinny, iuſques à nous faire entre-bourrer quand bon leur ſemble par le ſeul mot de Religion.

Henry III. apres tant de combats ſanglans,



dans lesquels on luy auoit fait risquer sa vie & son Estat, & apres auoir tant de fois tâté le poux à cette heresie, recogneut à la fin par quelle Diette elle se deuoit garir : & croyez, mes Peres, que c'est vne maladie ou les Religieux ne doiuent appliquer que des saintes prieres, au lieu des monopoles turbulens : ny les Predicateurs y toucher, que par l'aduis du souuerain Magistrat, sans l'assistance duquel toutes vos operations extrauagantes ne peuvent apporter qu'une suite d'erreurs sur erreurs ; qui sont marques de tres dangereux accidens en tous corps Politiques, estant mesme à craindre par les prestiges assez recogneus de cet hypocrite cabale, qu'on fasse debiter aux credules François par ces Empyriques deuots, des qui pro quo dangereux, c'est à dire l'interest du siecle pour l'interest du Ciel ; & que cuidât eschauffer l'estomach, ils brulent le foye : car la pluspart de ces pieuses personnes s'aident du zele de Religion, ainsi que les vieilles bonnes femmes de village font du vin, qu'elles donnent en cachette tout le saoul aux febricitans pour leur resiouyr le cœur (comme les mouchars zelez debitent en secret les nouuelles de Milan, de Bruxelles, de Dole, & de Pont-Amousson, pour abuser les François) & bien que le patient en meure, elles en attribuent la cause aux Receptes des Medecins, tout ainsi que nos passionnez Cagots aux Parlements & Politiques.

Mais sans doute, quelque bon Religieux pourra icy repartir en colere, & me reprocher comme à quelque fauteur, qu'il y auoit bien plus de raison d'exagerer la Cabale des Religionnaires, que de s'amuser à vesperiser les deffaux passez & presens, des

zelez Catholiques; A cela ie respondray que mal sur mal n'est pas santé, les manquemens des vns n'excusans pas les folies des autres, & cependant ils doiuent trouuer bon qu'on leur represente naïfvement les sanglantes miseres dans lesquelles la France a trempé depuis soixante ans, par les monopoles des sur-veillans Estrangers, & qu'en suite de tant de méchefs qui nous doiuent tout assagir, qu'il leur plaise au moins escouter patiemment la voix de ceste Sybille Françoise qui nous dit, que pour prudemment surmonter ceste heresie, il se faut disposer de la combattre d'oresnauāt par bons exemple enuers nostre prochain, & par charitables admonitions, sans continuer à nous harper tousiours au collet, ny acharner les vns contre les autres à coups de chappelets & de Pseaumes de Marot, par vn zele sans science, qui nous porte insensiblement à negliger le salut de la patrie, cependant que l'on s'amuse quelquefois à prescher frauduleusement le salut de l'ame; & à donner des brocards contre la memoire de nos Roys, contre leurs Ministres plus fideles, contre les Parlements, voire contre la Sorbonne, pour haut louer nos ennemis & leur artificielle pieté.

L'appelle artificielle, celle qui par captieuses inductions apprend auourd'huy sans bruit aux simples populaires à dire en mots problematiques, à la façon du Cardinal du Perron en sa belle Harangue des Estats sur l'indpendance de nos Roys; Il vaut mieux estre Espagnol que Huguenot: Il vaut mieux hazarder le Royaume, que la Religion. Il vaut mieux que le Palalinat & Iuliers soient és meins de l'Infante que de nos Alliez Heretiques. Voila ce qui



qui se glisse dans les esprits, au lieu que la chaste Sorbonne enseignoit, qu'il ne faut laisser perdre la Religion ny l'Estat, & encore moins estre Espagnol ny Huguenot, mais bon Chrestien, Catholique François, bon Patriote, pour viure & mourir dans l'Eglise sous l'obeyssance de nos Roys.

Telles astucieuses inductions, mes Peres, ne sont point de si peu d'importance, qu'elles ne puissent vn iour faire ruisseler bien du sang en France, en imprimans ainsi doucement dans les ceruelles credules telles pernicieuses erreurs, de sorte que quãd nos Roys se banderont pour resister aux attentats qu'on tramera sur leur Couronne, il est à redouter que ceste artificielle pieté se rende maistresse des consciences de la populace, luy faisant croire (comme par le passé, & comme à present sur la necessité de la paix du dedans) que les resultats du Conseil de sa Majesté sont autant d'heresies, & que pour aller en Paradis, il faut aveuglement adherer à la Cabale estrangere, qui seule en sçait le chemin, & qui veut que nous croyons que la guerre ciuile, est le salut des François, & que tout l'honneur du Roy est attaché au Fort de la Rochelle, & non à protéger ses Alliez en Italie & Allemagne.

C'est ce qui m'a meü, mes Peres, à vous représenter icy les subtils passe droits des Matois Transmontains, qui sont cause de tant de folles imaginations, dans lesquelles croupissent beaucoup de bõs Religieux innocens, & simplifiez : car pour les erreurs des Religionnaires, ils ont esté si bien vannés, gribelez & examinez, au feu & à l'eau, qu'ils sont recogneus par tout pour tels qu'ils sont : Mais ceux de la cabale estrangere, sous priuilege d'estre flat-

tez, ne sont pas encore bien cogneus parmy nous, d'où deriuent nos frequentes recheutes de guerre ciuile; avec toutes les partialitez hargneuses qui diuisent nostre pauvre France : car pour les erreurs des pretendus Reformez, ils sont tous les iours sur le Bureau, il les faut laisser aux Theologiens à desbeller, & aux Parlements à auoir l'œil sur leur cabale; à ce qu'elle ne se puisse estendre plus outre qu'à proteger leur vie, & non à trahir leur patrie, comme quelque desnaturez ligueurs ont tenté d'executer Catholiquement. *Laqueus contritus est & nos libera sumus*, estant à nous de prendre garde de n'y plus retomber. Il est vray & nul n'oseroit denier que les Huguenots n'ayent grandement failly de s'estre emparez des vaisseaux du Roy, lors que sa Maiesté estoit sur le point d'entreprendre de tres-bonnes affaires en Italie. Si les Catholiques leur pouuoient porter ceste estocade franche dans le cœur, il n'y a pas de doute qu'il y auroit dequoy les confondre, mais les mauuaises procedures passees font qu'ils recourent ceste faute d'un desespoir de ce qu'on ne leur a tenu parole des choses promises. Et en suite en recreminās il accusent la Cabale, qui chercha le mal-heureux expedient du cousteau de Rauaillac, pour ruiner les genereux desseins & grands preparatifs de Henry III. Ce maudit assassin auoit esté porté à ceste execrable action par les persuations de certains zelez qui auoient mis dans son esprit, que ce bon Prince vouloit faire la guerre à Dieu & à son Eglise, & ainsi ont mis par ce diabolique stratageme, ce Monarque dans le tombeau, avec toutes ces genereuses entreprises.

*glenm (17. 10. 11)*



Cependant qui engardera nos esueillez Casuistes de s'accoustumer ( pour euitier tels miserables accidens ) d'interpreter à bien les desseins de nos Roys, au lieu de les descrier quand pour le bien de l'Estat ils resoluent quelque chose contre la volonté de la Cabale, & au contraire applaudissent à toutes les actions de nos Emulateurs, soit qu'ils viuent en bonne intelligence avec les Armeniens, soit encore qu'ils fassent Ligue offensive & defensiva avec le Duc de Saxe, le Langraue, Darmestart, & autres Lutheriens, ou soit qu'ils fassent la paix honteusement avec le Turc, comme ils ont fait depuis peu, iusques à auoir abandonné plusieurs villages Chrestiens: ( eux dix-ie, qui reprouent que nostre Roy raze vn Fort pour donner la paix à ses propres subiets. )

Il semble que l'on vueille ignorer tant de batailles que nos Roys ont donné pour esteindre l'heresie, & que la liberté de conscience qui a esté accordée en France, n'a esté que par vne forcante necessité: Et si le Roy d'Espagne eust fait de mesme avec les Holandois, il ne les eust pas forcé à faire vne Republique, cōme il a fait, de maniere qu'apres auoir employé toutes les puissances pour les reduire, il a esté enfin luy-mesme, réduit à traiter avec eux comme Souuerains, par vne Treue de douze ans, laquelle il voudroit bien encore renouueller, s'il pouuoit, ayant appris à ses despens aussi bien que nous, que ceste masse d'heresie ne se peut de plein saut abbatre, sans accabler dessus elle les plus zelez pionniers.

Le Catholicissime maison d'Austriche, d'autrui riche, ne consent-elle pas les diuerses Religions.

dans Vienne, Hôgrie, Boheme, Morauie, Luffacie, & Silefie, & meſme l'exercice d'icelles dans le corps de ſes armées: ce que nos Roys n'ont iamais tolleré dans les leurs : Cependant les zelez n'en murmurent point contre les Archi-Ducs, ny ne les eſtiment moins bons Catholiques: pourquoy donc iettent-ils pluſtoſt leur venin contre nos Roys, que contre les autres.

A ces raiſons, j'entends les Zelotes d'arder à leur mode des ſi, ſi, ſi: diſans, ſi les Roys de France euſſent fait cecy, ou n'eueſſent point fait cela, tout feueſt mieux allé, mais on leur peut auſſi repartir, ſi les Ligueurs ſe fueſſent cōportez en vrays ſubiets: ſ'ils n'eueſſent point fait de Cabales contre leur Prince, ſ'ils ne l'eueſſent point chaffé de Paris, ſi on n'eueſt pas donné tant de credit aux Seize, ſi on n'eueſt pas tué Henry III. qui eſtoit bon Catholique, on n'eueſt pas fait eſchoir la Couronne au Roy de Navarre, qui eſtoit lors hetetique, ſi les François n'eueſſent preſté l'oreille ſi legerement aux perſuaſions des Tranſmontains, comme ils font encore à preſent le temps nous euſt tous reunis, & ne fueſſions iamais entré aux guerres, eſquelles nous ſommes tombez par l'aſtuce de nos ennemis, leſquels n'ont autre mot du guet pour nous faire entr'aſſommer, que de crier à l'heretique.

Il n'eſt donc maintenant queſtion que des extrauagantes erreurs qui ont iuſques icy partialiſé les Catholiques, & ne s'agiſt entout ce diſcours, que de faire voir aux ſimples François la faute qu'ils commettent en poſtopoſans en nos Catons patriottes, des porteurs de rogatons eſtrangers: Partialité cependant ſi contagieuſe, que fort peu



d'ames pies, daignent s'appercevoir du peril eminent dont cest Estat est menassé par le Philtre sophistigué de Religion, au moyen dequoy la Cabale tasche plus que iamais d'engluer les vns & les autres dans nos confusions, pour lesquelles desmeller si tost que les bons Ministres de l'Estat y penser remedier, on fait crier apres eux, par les credules bigots, voire par certains Predicateurs, & simples Religieux, comme apres des fauteurs d'heretiques, pour ne vouloir estre fauteurs de leurs erreurs: & par là le Roy peut recognoistre combien ses vrays seruiteurs courent de hazard, pour defēdre le salut d'une nation la plus credule, la plus superstitieuse, la plus ingrate, & la plus ingenieuse à se laisser tromper, qu'autre nation qui soit au monde.

Qu'ainsi ne soit, voyez avec quelle facilité l'estranger nous a sceu embarquer en nos dernieres guerres de Religion, cette Cabale ayant eu la force de mettre le Roy en deffiance des Huguenots', & les Huguenots en deffiance de la bonté de sa Majesté, leur faisant à croire que le Roy les vouloit exterminer, & persuadant d'autre costé à sa Majesté, que les Religionnaires vouloient faire des Republicques dans son Royaume, les faisans conseiller soubz-main de ne se point despartir de leur assemblee, & de faire fortifier des places d'ostages, afin d'eschauffee plustost la resolution de prendre les armes: & tout cela si accortement conduit, que les Catholiques & Huguenots l'ont creu, & se sont là dessus acharnez les vns contre les autres, avec des furies inouyes, iusques à brusler des villes toutes entieres, & saccager des amples Prouinces

cependant que l'Espagnol conqueroit des Couronnes, Duchez & Principautez dans l'Alemagne, iusques à nous faire adonner nos Alliez, sous couleur qu'ils sont heretiques, avec lesquels néanmoins, il travaille aujour d'huy de s'accommoder, afin de se rendre plus puissant pour nous mettre le pied sur la gorge.

Est encore icy à remarquer, que ceste Cabale, touchée du despit de ce que nos guerres civiles auoient pris fin par la paix de Mont-pellier, elle a encore eu la force d'empescher l'execution de ce Traicté, afin de laisser vn prompt leuain pour reietter l'Estat en troubles, ainsi que vous en auez veu l'effect, les supposts de cette faction qui sont bien aises de voir continuer nos miseres, faisans courre par tout qu'il y moins de honte pour le Roy, de laisser ruiner ses armées, & ses alliez d'Italie, & d'Allemagne, que de raser le fort de la Rochelle, tant ils ont peur de voir la France en paix, Et de fait ils auoient vne telle apprehension que les Huguenots prissent confiance au Roy, qu'on fist en sorte pour les animer aux armes, que l'on commença dès Saumur à ne point faire obseruer les promesses de sa Maiesté, ce qui fut continué en saint Jean d'Angely, Clairac, Bergerac, Pons, Lunel, & tous les restes des autres sieges, le tout à dessein de porter les affaires à l'aigueur, & pour empescher la paix. Par là, mes Peres, vous pouuez iuger qu'il y auoit plus de faction que de zele de Religion. Que si l'intention de la Cabale eust esté bonne, elle eust meslé la charité, la douceur & l'industrie, dans les armes du Roy, pour ramener les desuoyez au giron de l'Eglise, & à l'obeyssance: & non le feu



le sang, & la frande, pour les mettre aux champs d'avantage.

Et qui persuaderoit aujourdhuy aux François que les dernieres guerres de l'annee 1621. n'ont esté suscitées par l'Estranger que pour perdre le Roy & le Royaume, ie ne fay point de doute que la pluspart ne die, que ce sont comptes de vieilles.

Qui leur fera voir que le Roy à plus despensé d'argent, & perdu de gens en ces broüilleries de Religion, qu'il n'en faudroit pour conquerir le Pays bas. Ils s'en mocqueront.

Qui leur dira, que les propositions des sieges de Montauban & de la Rochelle ne se font que pour engager le Roy en de tres mauuaises affaires; Ils feront le nicquet.

Qui leur soustiendra que le temps fera voir que le razement du Fort S. Louys ne meritoit pas le retardement de la paix: Ils disputeront le contraire.

Qui leur montrera, que c'est vne tres-mauuaise procedure de ne tenir la parole aux heretiques, Ils s'en gaufferont.

Qui leur representera que sous pretexte de l'extirpation de l'Herésie, on a ouuert la porte à toutes sortes, ie dis toutes sortes de Cabales prejudiciables à l'Estat, Ils soustiendront que ce sont Fables.

Qui leur prognostiquera que la multiplicité des Conuents, & Colleges des Iesuites ruinera la Religion & l'Estat, ne diront ils pas rouillant les yeux, & s'esleuans sur leurs ergots, que ce sont illusions diaboliques.

Qui leur voudra persuader, que la France s'en va tantost bloquée comme Breda, ne s'en iront.

ils pas, en repartant que ce sont bayes, & cependant il n'y a rien de plus veritable.

Or pour mieux confirmer toutes nos erreurs presentes, il ne sera pas mal à propos de les confesser avec nos fautes passees, & par ce moyen donner lumiere à nos aveugles zelez, lesquels se croyans Asserteurs de la Religion, demeurent sans y penser Deserteurs de leur Patrie, & de la Religion tout ensemble : Escoutez donc cest Epilogue.

J. Qui eust dit au commencement de la sainte Ligue, qu'on alloit tout gaster, & que les deuotes exhortations du P. Bernardin Iesuite, alloient exciter des prodigieuses Tragedies; N'eust-on pas crié, à l'Huguenot.

Qui eust dit qu'il falloit faire pendre les plus huzpez & eschauffer des Seize, N'eust-on pas crié, Au Martyre.

Qui eust dit que Henry III. auançoit plus la Religion Catholique, & ruinoit plus le Schisme par son exemple à la pieté, que ne faisoit le grand Pompee de la Ligue, en fomentant la rebellion des Parisiens, avec leurs funestes Barricades: N'eust-on pas crié: Au Catholique à gros grain.

Qui eust dit, qu'il falloit escouter aux Estats de Blois, ces anciens Prelats de Bourges, de Nantes, de Meaux, de Mande, de Beauvais, & de Chalon sur Saone, que le Cardinal de Peleué appelloit Politiques: N'eust-on pas crié, Au faux Frere.

Qui eust dit, que Monsieur d'Espernon n'estoit ny Huguenot, ny Fauteur, N'eust-on pas grincé des dents, & hué: Au meschant, à l'Athee.

Qui eust dit, qu'il y auoit plus de Marannes en Espagne, qu'il n'y auoit de Huguenots en France: N'eust-



N'eust-on pas crié; Au fauteur d'Heretique.

Qui eust en somme représenté aux Ligueurs & simples Religieux d'alors, vne infinité de telles fausses opinions, que la Cabale de delà les Monts leur faisoit pieusement croire, pour les embarrasser comme à present, és sanglantes miseres que la France à ressenties; N'eussent-ils pas par leur zele boüillant renuersé le fonds de la modestie Chrestienne, Pour recriminer; Il a le diable au corps.

Et cependant, mes Peres, la France a veu l'esclaircissement de tout ce que dessus, & comme tout alloit autrement que ne preschoient les passionnez Predicateurs de ce tēps-là: Et quand vous comparez les mēces presentes aux passées, vous trouuerez que la cabale trauaille sur le mēme pied qu'elle faisoit alors, & quelle vous persuade le faux au lieu du vray, & estouffe les bons aduis des gens de bien, tout ainsi qu'au temps de la Ligue.

Chacun a veu à quoy à reüssi la pieuse tentative de ce P. Bernardin Iesuite, & cōmet toutes les pretenduës deuotions n'ont produit que rebellions.

L'on a veu comme feu Monsieur du Mayne fut contraint d'accourir de Lorraine à Paris, pour y faire pendre vne partie de ces Messieurs les Seize, qui furent appelez Martyrs par les Predicateurs Boucher & Commolet.

On a veu pareillement les Propheties accomplies de ces sages Prelats, tant descriez & regardez de trauers aux susdits Estats de Blois, à la façon que la Cabale descrie encore aujourd'huy, les bons Prelats qui defendent le Roy & l'Estat.

Le temps a fait aussi voir comme la Catholique Espagne, estoit remplie de Maranne, & comme le

J. Cōseil de Castille en a exilé plus de huit cens mil; le Pere Portugais ayant dit de son viuant, qu'il en restoit encore plus portans Patinoſtres, qu'il n'y a de Huguenots en France.

J. Et pour le regard de Monsieur d'Espernon, les Peres Iesuites voyēt bien à present si les melchancetez que la saincte Ligue a vommy contre luy sont véritables, pouuant maintenant apprendre de sa bouche propre *sub sigillo confessionis*, s'il a iamais esté autre qu'il est: Et toutesfois, mes Peres, ce zeles sās science de recourir à telles erreurs plausibles, est tellement enraciné en quelques debiles ames de beaucoup de bons, ie dis bons Religieux & Predicateurs, que leur simplicité est capable de cōniuer encore aux monopoles de quelque nouveau Cabaliste, Messie, s'il s'en presentoit, en contre-faisant le defendeur Machabee de la Foy: Estant à noter que ces ames credules, quand elles viennent à abhorrer les salutaires conseils du souuerain Magistrat, ressemblant naïfument aux enfans innocens qui regardent de mauuais œil les Chirurgiens, qui leur ont remis quelque os disloqué: De meſme les Zelez ennusent les Parlements & Vniuersitez, pour les vouloir guarir de leurs faux scrupules.

Quelque deuot espiegle obiētera icy qu'en aduoüant les erreurs passez & presens, c'est estaller trop publiquement les deffauts du siecle, à quoy ie repliqueray qu'il vaut beaucoup mieux confesser ses pechez, & le corriger, que de persister dans le mal, quelque bien pretexté qu'il soit; voire que c'est obeyr à Dieu que de rentier prudemment dans le sentier de verité, & dans le grand chemin Royal, comme aussi vne grande louange que d'e-



estre blasmé en bien faisant.

Pour exemple, nostre Roy Louys, quoy que tres-Religieux, n'a pas si tost escouté les propositions de la paix avec les Huguenots, que la cabale s'est mise à murmurer contre sa Maiesté, faisant glisser dans les esprits des idiots que ceste paix est honteuse, & qu'il vaut mieux qu'il risque la Couronne pour exterminer l'heresie, que de veiller aux affaires du dehors pour sauuer son Royaume.

Et qui repassera sur la vie de S. Louys, il trouuera qu'il s'est laissé emporter dās les mesmes fautes de nos guerres zeleees, pour auoir entrepris avec vn zelet trop ardent, le defastreux voyage d'outre-mer contre les infideles, les censeurs attribuant ce specieux pretexte, duquel la cabale se sert encore à present, à vne accortise de quelques vns de ce temps là, qui estoient bien aises, comme on pourroit estre à cette heure, d'embarquer pieusement ce Prince en vne entreprise loingtaine, pendant laquelle ils accommodoient leurs affaires aux despens de la France.

Ne murmura-t'on pas aussi contre sa Maiesté à cause de la cassation de la Polette, supprimee par les aduis des Notables du Royaume, notablement assemblez à Roïen: & deux mois apres par les miracles de nos desordres ordinaires, on la ressuscita miraculeusement; tant nous prenons de peine à paruenir bien tost à la ruine de cet Estat, dont la Cabale en rit sous son voile de fausse pieté, lequel à tant de force par les prestiges de sa capharderie, qu'il a fait perdre non seulement les escrimes, mais si'ose dire, la vie à trois ou quatre de nos Roys: c'est pourquoy Henry III. a esté taxé de trop de

grande debonnaireté, & Henry III. blasmé de trop grande clemence, laquelle luy deuoit tousiours mettre deuant les yeux, le cousteau de Clement, & nostre Roy Louys celuy de Rauillac.

Tout cecy soit dit en passant, mes Peres, tant pour vous munir contre les censures du vulgaire tousiours errant, que contre les fausses inductions des broüillons d'Estat, qui abusent de la Religion, & de la credulité des Religieux, & aussi pour apprendre aux Catholiques composez, qu'il n'est permis aux subiets de blasmer son Roy, ny son Conseil, n'appartenant qu'aux Parlemens, aux Princes de son sang, ou à quelque saint Prelat, de venir à l'humilité du Prophete Nathan, l'aduertir de ce qui pourroit defaillir en luy.

Pour le repos donc que ie desire à tous bon Religieux, ie les coniureray que pour s'affranchir de tant d'erreurs, qu'ils ayent à rentrer en eux mesmes, apres l'inuocation du S. Esprit, & alors ils trouueront par bonnes inspirations, que la Sacree Sorbonne & Parlement de Paris, sont les vrais Phares sur lesquels on doit ietter les yeux durant ceste Cabaliste tempeste: ces deux celebres Compagnies estans aussi scrupuleuses de faire quelque chose mal à propos, en ce qui concerne la Religion & l'Estat; que les bigots ambitieux sont coustumiers de suiure les conseils captieux, pour accommoder leurs affaires au detrimement de celles du Roy, & aduantage des Estrangers qui les interesent: l'harmonie de ceste Monarchie ayant tousiours esté concordante, quand les Cours Souueraines ont tenu la mesure, quoy que les subtils Casuistes puissent alleguer du contraire.



Car comme vous sçavez, mes Peres, tout se ren-  
uerse par les escritures, Canons, Decrets, & Argu-  
mens sophistiquement appliquez aux desseins des  
Cabalistes, parmy lesquels le faux Dieu intereſts  
preside, reueſtu du ſacré manteau de Religion, tout  
chamarré de Catholicon corrópu, qui a tousiours  
ſeruy de conuerture aux factionnaires Eſtrangers,  
comme la verge de Mercure, pour endormir les  
superſticieuſes ames, qui preferent au euglement  
les ſanglants Axiomes de la Catholicité moderne  
des Transmontains, aux ſimples & Chreſtiennes  
Maximes de l'antique Sorbonne.

Or pour eſuiter les perilleux eſcueils, cachez  
ſous les ſauoureuſes eaux de la pieté, ce ne ſera pas  
petite prudence aux vrais Religieux, de ſ'abſtenir  
deſormais de regarder ſi curieusement dans vne  
abifme ſi profond, tel qu'eſt celuy de l'embaras  
des intereſts du monde, de crainte que la ceruelle  
leur tournant, ils ne ſe precipitent dedans : C'eſt  
la raiſon pourquoy les vrais Catholiques ſont en  
continuelle apprehenſion, quand ils voyent au-  
iourd'huy tant de Moynes frequenter les Cours  
des Princes, troter les ruës & negotier bien auant  
dans les intrigues du ſiecle, iuſques à vouloir gou-  
uerner toutes choſes ſelon leur fantaſie crauſtra-  
le, d'autant que tout cela retourne à la conſuſion  
des Eſtats, & grand ſcandale de l'Egliſe, de laquelle  
ils ſe diſent ſi zelateurs, & meſmes contre les an-  
ciens inſtituts des Monastres.

Au demeurant, mes Peres, ſçachez que vous  
acquererez plus d'honneur, & edifierez plus vo-  
ſtre prochain, en vous contenant Religieuſement  
en vos maiſons, que d'eſtre continuellement dans

les familles à embarasser les esprits de la sublimité de vos claustrales meditations. Et quand quelques factieux vous yront visiter d'icy en auant dans vos Celules, apres l'Angelique salutation de l'*Aue Maria*, s'ils vous viennent à parler du Roy, de la Royne, de Monsieur le Prince, des deportemens de Messieurs les Ministres, de la negotiation de Monsieur le Legat: mettez vous aussi tost en l'estat d'un bon Religieux qui va celebrer la sainte Messe, disant. *Pone Domine custodiam ori meo*, & apres qu'ils vous auront respondu, & *ostium circumstantie labiis meis*, Dites ensembles les yeux au Ciel, Dieu sauue nostre Roy & sa maison Royale, avec tout son bon Conseil.

Que si par apres ils continuent à vous entretenir sur ces triuiales questions; Pourquoi Henry le grand entreprit-il la Protection de Iuliers en faueur d'un Protestant à l'exclusion de l'Archiduc Leopold de Archi-Catholique?

Pourquoy le Roy ne rompt-il l'Alliance avec les Estats de Hollande? & soustient-on qu'il est necessaire pour le bien de l'Estat de faire Ligue offensive & defensiue avec Angleterre?

Pourquoy n'a-ton aussi tost choisi le Marechal de Bouillon que le Marechal d'Esdiguieres pour le conuertir avec la charge de Connestable de France?

J. Pourquoi Luynes s'est-il plustost ietté entre les bras des Iesuites, que des bons Peres Chartreux?

Pourquoy n'assiege-t'on la Rochelle, puis que Pompee Targon offre de la prendre aussi facilement que les pigeons de l'Abbaye de Poissi.

Pourquoy le Roy ne fait-il Pendre ceux qui ont



volé l'argent de l'armée d'Italie, & vendu les places?

Pourquoy le Pape a-il oublié la qualité de Roy de Nauarre, dans la Bulle du Legat?

Pourquoy a-t'on supprimé les importantes Lettres que le P. Arnoux auoit escrites pour son reſta- blissement en Cour?

Pourquoy le Nonce Curcino se fascha il tant deuant Montpellier, de ce que le Roy auoit tenu parole à la Capitulation de Sommiers, voulant qu'on leur manquast de foy, comme à ceux du Lunel, & autres places qui s'estoient renduës?

Pourquoy n'a-t'on aussi bien veſcu en paix avec les Huguenots depuis cinq ans, que l'on faisoit durant le regne de Henry III. & la Regence de la Royne Mere du Roy?

Pourquoy ne chastie-t'on les Capitaines & Soldats qui font tant de mal aux pauvres villageois, & qui causent tant de ruine dans la campagne?

Pourquoy y a-t'il tant de disputes entre les Peres de l'Oratoire & les Carmes Deschaux, pour confesser les Carmelines?

Pourquoy le Pape a-il annullé la sentence de l'assemblée du Clergé, contre le Docteur Luitre, au grand meſpris des Prelats de France?

Pourquoy le Comte de Godemart a-il dit dans Paris qu'il estoit bien mal-heureux de n'auoir pas peu faire ny deffaire vn mariage?

Pourquoy les Iesuites vont-ils par les maisons des plus riches demander les enfans pour les auoir à Pension?

Pourquoy le Roy a-il esté conseillé d'abandonner la prise de Iuliers & le Palatinat aux Espagnols?

Pourquoy vn premier Prince du sang de France, s'est-il allé asseoir à Rome apres le dernier Cardinal?

Pourquoy ceux qui preschent tant le Ciel aux Princes, sont-ils si ardans d'acquérir la terre?

Pourquoy le Duc de Bauïere, qui est si deuot, retient-il iniustement les pays du Prince Palatin, son proche parent?

Pourquoy se sert-on auioird'huy plustost du Donat que de la bible, pour conuertir les Huguenots?

Pourquoy Monsieur le Legat est-il plustost venu en France qu'en Espagne?

Pourquoy toutes les villes dans lesquelles il y auoit des Iesuites, se sont-elles rebellees contre Henry III. comme Paris, Tholoze, Bordeaux, &c.

Pourquoy nos Euesques les plus zelez ayment-ils mieux suiure la Cour que de resider dans leurs Dioceses?

Pourquoy le procez du P. Guiot Iesuite a il esté euoqué de Roïen, puis reballotté au grand mespris de la iustice Royale?

Pourquoy le Legat a-il voulu reduire Messieurs les Euesques de France au mantelet comme simples Vicaires?

Pourquoy Rome haït-elle tant les Conciles Nationaux, les libertez de l'Eglise Gallicane, & les Appels comme d'abus?

Pourquoy dans ce siecle Bigot, se trouue-il moins d'habiles hommes, & de gens de bien, que iamis?

Pourquoy le Pere Des-voisiu sollicitant contre Theophile, disoit il aux Iuges, qu'il leur recom-mandoit la cause de Dieu, de la Vierge Marie, & de



de tous les Saints?

Pourquoy faut-il que les Iesuites gouvernent tousiours la conscience des Roys de France, & que les Roys d'Espagne ne se confessent iamais à eux?

Pourquoy ne recherche-on aussi bien les concussions des Officiers de Iustice, comme on a fait les volleries des Financiers?

Pourquoy le Legat a-il amené avec luy Eudemon Ioannes Iesuite, qu'il scait auoir escrit à l'encontre de nos Roys?

Pourquoy le P. Rosuey dus Iesuite appelle-il les Catholiques, qui defendent l'autorité des Roys, Catholiques Royaux demy-Chrestiens?

Pourquoy les Venitiens, quoy que bons Catholiques sont-ils appelez schismatiques, & pires que Turcs, par les Espagnols & leurs facieudaires?

Pourquoy le Pape a-il donné pleniére Indulgence à tous ceux qui yroient à la guerre pour la defence de Genes?

Pourquoy a-on brulé Tonins, Negrepelisse Mon-hurt, Saint Paul, Chomont, & autres places, au lieu de les conseruer au Roy?

Pourquoy laisse-on tant de hapelourdes en des charges importantes, dont le seruice du Roy n'en va pas mieux?

Pourquoy employe-on auourd'huy plustost des Capucins que des Iesuites pour négotier?

Pourquoy les François sans y penser font-ils plustost les affaires à l'aduantage des Estrangers, que de l'Estat de France?

Pourquoy par le Concile de Trente, est-il dit, que les Bulles des Papes seront obseruees contre les Conciles generaux?

Pourquoy nos Conseils ne produisent-ils plus des resolutions genereuses, mais seulement des accommodemens tousiours biauxans & traisnans?

Pourquoy le P. Arnoux dans ses chiffres a-il appellé le P. Segueran, Tabarin spirituel?

Pourquoy les Massorets murmurent-ils de ce que le Roy se confie en la fidelité de Baradat?

Pourquoy le Legat Cajetan lors qu'il estoit en France, s'opposoit-il tant à la trene & à la paix?

A tous ses subtils Enquesteurs vous leur pourrez dire à l'oreille. Chers amis, toutes ces questions ne sont point rubriques de breuiare: mais quand à celles qui touchent la conseruation de nos Aliances, encore que ie n'entende rien au triquetras du monde, ie vous renuoyeray neantmoins à l'escole des grands Estats, tant Ecclesiastiques que autres, sur pareils cas, lesquels n'ont iamais estimé contrarier à la volonté de Dieu, de s'allier avec les infideles & heretiques, mesme de se servir de leurs secours pour proteger leurs peuples des orages qui les menaçoient, comme a fait depuis peu l'Espagnol bon Catholique avec le Duc de Saxe bon Lutherien, leur but n'estant en cela de fauoriser les scihmatiques, mais d'obeir à cette voix qui crie incessamment, qu'on prenne garde qu'il n'arriue quelque accident à la Republique, s'estant trouuez assez de grands Pontifes, & Papes, qui se sont dispensez d'en vser ainsi, se pouuant remonstrier à nos scrupuleux François Espagnolisez, que ce doit estre assez de creue-cœur à la France d'auoir souffert qu'on nous ait iniustement vsurpé la Navarre, & rauy par l'ayde des forces de l'Empire, la souveraineté de Flandres & d'Artois, sans endurer enco-



re que par l'adionction des Duchez de Cleuez, Iuliers, & Palatinat aux Pays-bas, ou vienne à tous momens nous accrauanter iusques aux portes de Paris, comme ils ont fait à S. Quentin, Cambray, Amiens, Cattelet, la Capelle, Dourlans, Calais, Ardres, & ailleurs, durant nos Ligeuses partialitez, le tout faute de nous estre seruis vtilement des Protestans pour nous defendre en nos necessitez.

Considerez cecy, mes Peres, nul d'entre vous, ny de ceux qui ont vescu à Rome, n'ont iamais douté de la probité & sainte vie du feu Cardinal d'Osat, & cependant dans les œuvres vous y pouuez remarquer en plusieurs endroits, qu'il ne reproüuoit la ligue offensive & defensie que le feu Roy auoit fait avec la Roynes d'Angleterre Elizabeth, comme aussi celle que ceste Couronne a eu de tout temps avec les Princes protestans d'Allemagne; En ce que sur l'instance que le Pape Clement VIII. faisoit de les rompre, il a bien osé escrire à Henry le Grand, & à son Conseil, que c'estoit l'interest de sa Sainteté & d'Espagne qui le portoit à solliciter vne telle rupture, & non le bien de la France. Voicy les propres mots desquels il vse en la lettre 81. du 3. Liure de ses Missiues; *Et sa Sainteté trouue bonne toutes façons de separer sa Maiesté d'avec ses alliez, pour ce qu'ils ne sont Catholiques & ne recognoissent le Saint Siege, encores que lesdites façons fussent infames & dommageables à sa Maiesté & à son Royaume: & pouruen que la separation s'en ensuiue, ne se soucie de l'aduantage & accroissement qui est pour en aduenir au Roy d'Espagne, ny du des-honneur, danger & diminution qui en peut resulter au Roy & à toute la France, quand les Espagnols se seroient rendas maistres de l'Angleterre.* Par

ainsi, comme ie suis d'adujs que nous excusions sa passion: aussi me semble-t'il que nous devons nous en tenir d'autant plus sur nos gardes. Par l'esquels propos vous voyez, mes peres, que les interets des papes peuuent estre quelquefois contraire & dommageables à ceux de nos Rois, & ainsi ne deuez murmurer quand les Ministres du Conseil, la Sorbonne ou les Parlements, n'aquiescent à tout ce que voudroit bien le Sainct Siege, sans que pour tout cela ils puissent estre reputez moins Catholiques que les Italiens & Espagnols.

Et quant à la protection de Iuliers, sans alleguer les raisons d'Etat, vous pouuez, mes peres, reprendre, *salua conscientia*, ceux qui l'ont tant blasmee & leur dire, *gens absque consilio & prudentia*, &c. de ne vous resouenir que la France, s'estoit par droit vendiquee ceste protection deuant que Luther ny Calvin fussent au monde, y ayant eu guerre pour ce suiet dès le temps de François I. ne s'agissant point en ce fait de la Religion, comme tels trompeurs bigots le publient, mais de l'interest des deux Royaumes, l'un ne voulant plus souffrir qu'on entreprit d'auantage sur luy? & l'autre faisant profession, les patinoïstres en la main, d'entreprendre sur tous les princes de l'Europe; la vicissitude des temps, ayant voulu par rencontre qu'un Eslecteur Marquis de Brandembourg protestant, se fust mis sous la sauuegarde de Henry le Grand, comme l'Empereur Charles Quint auoit du tēps de Henry second recherché sans scrupule vn autre Marquis de Brandembourg Albert Chef des Protestans, pour luy ayder à reprendre Mets sur la France. Et le Roy d'Espagne philippes II. bon



Catholique s'il en fut iamais, n'a pas aussi de conscience de se Liguier avec force Seigneurs Protestans pour nous venir combattre à la iournee de S. Quentin.

Que s'il estoit loisible, mes Peres, de vous entretenir de tous les tours qui se font sous telles astucieuses superstitions, on vous pourroit assurer, sans beaucoup d'offence qu'en la place Navonne à Rome, en celle de saint Marc à Venise, à la Bourse d'Anvers, & sur le Pont-neuf de Paris, on dit sourdement que tous ces ressorts de guerre de Religion qui se fomentent dans les entrailles de la France, n'ont esté pratiquez, & ne se pratiquent encore aujourdhuy par l'Espagnol que pour nous piper en nous affoiblissant & fortifier ses desseins dans l'Allemagne & Valto-line, de laquelle il s'estoit catholiquement emparé, ce qui doit servir de tres belles leçons aux François pour leur faire cognoistre les violens progres de ceux qui faisans mine de se rendre protecteurs de la Religion, aspirent à se rendre Dominateurs des Estats d'autrui.

Et qu'il ne soit ainsi, vous notterez, mes Peres, que l'Espagnol apres la trefue finie de Hollande n'a voulu renoueler la guerre des Pays-bas, que lors qu'il a veu le Roy engagé au siege de S. Iean d'Angely, iusques-là, que la cabale avoit si peur que les Huguenots ne s'obstinassent pas en leur rebellion, quelle fit des Saumur tout ce qu'elle peut pour les aigrir, tât par les inexecution des Traitez que par milles algarades qu'on leur fit faire ouvertement & sous main, afin de les porter dans l'irreconciliation : les ennemis de la France ne pouans

recevoir vn plus grand desplaisir, que de voir la paix dans ce Royaume : Faisans encore tous les iours leurs efforts pour persuader par leurs partisans, que l'Estat est perdu si le Roy n'assiege la Rochelle & Montauban, qui est tout ce qu'ils desirent pour acheuer leur entreprise, faisans declamer contre ceux qui penetrent trop auant dans leurs menées, ou qui les trauersent comme font Messieurs les Ministres: le Cardinal de Richelieu, n'est pas mesme exempt de leur dét, les Cabalistes voulans faire croire aux simples François, qu'il est fauteur d'heretiques, parce qu'il ne peut approuuer que les Estrangers nous duppent, sous pretexte de Religion, ny autrement: ny qu'ils fassent dans la France, ny dans l'Allemagne, tout ce qu'ils desirent pour auancer leur Monarchie par la perte de la nostre.

Ainsi la Ligue, & les Ligueurs clabaudoiēt cōtre le feu Cardinal de Gondy du temps de Henry III. parce qu'il ne pouuoit souffrir qu'on abusast les pauvres Parisiens, lesquels sous pretexte de chasser l'heresie de France, notez mes Peres, furent portez à chasser leur propre Roy hors de son Louure, pour recevoir les Espagnols en sa place, comme ils firent miserablement: Cependant le temps a fait voir à ce peuple, apres qu'il a esté des-abusé, que ce bon Prelat auoit raison de s'opposer aux factions qui se tramoient alors contre son Prince, & que si les habitans de Paris l'eussent creu, ils ne fussent tombez dans la rebellion, ny souffert les miseres que les Seize, Fourbes de la ligue, leur firent souffrir, ny mangé tant de chats & de rats qu'ils mangerent.



De mesme peut-on dire aujour d'huy de la malice de ceux qui censurent les salutaires conseils du Cardinal de Richelieu, & des autres Ministres. en ce que la suite fera voir qu'ils sont autant zelez à la Religion & à l'Estat, que les bigots Espagnolisez sont Destructeurs de leur patrie.

Or le plus grand mal qui se rencontre en la continuation de telles erreurs : c'est que la pauvre France infectée de ce zele indiscret, sert de risée à tous ses voisins, gisante, nauree comme ce *Quidam* qui descendant de Ierusalem en Ierico, *cecidit inter latrones*: mais il y a pire encor à craindre ; c'est que Dieu & ses Anges ne nous reprochent, que *Sacerdos & Levita praterierunt, Samaritanus autem misericordia motus est*, Car on nous pourroit dire que le Samaritain Huguenot, quelque persecuté, pillé & baffoué qu'il ait esté, n'a iamais pour tout cela renoncé à sa patrie, ny encore moins désiré de l'asservir aux ennemis d'icelle, comme quelques fols zelez ont cuidé faire, & font tous les iours. C'est pourquoy afin qu'il ne nous soit rien reproché, montrons nous autant affectionnez à la Religion, & à la patrie que nos anciens Peres, & ainsi retournons de nous mesme à l'Hostel, comportons nous si sagement, que nous fassions petit à petit reuenir nos Samaritains compatriottes à l'Autel; Et au cas que quelques accariastres viennent crier, *Nos legem habemus*, & qu'il ne faut qu'une Religion en France, vous leur pourrez respondre, que cela depend de Dieu, plus que du Pere Veron, & par consequent plus de nos prieres que de nos armes, lesquelles nous ne scaurions reprandre qu'à la confusion des vns & des autres, c'est à dire en bon Fran-

Veron



gois, qu'avec l'entiere ruine de ceste Monarchie.

Que si les simples Religieux n'ont point leu nos histoires de France pour apprendre nos calamitez publiques, ce sera charité de les y renvoyer, afin qu'ils y voyent les horreurs de nos lōgues guerres ciuiles, qui ont seruy d'escalier à la grandeur Espagnole & Italienne. Que s'ils repliquent, mes Peres, qu'ils n'oseroient les lire sans permission de leurs generaux Transmontains, brisez gentiment là dessus, & les faisant entrer dans vostre Oratoire, monstrez leur vn Dieu de pitié, & leur dites à cœur ouuert; Voyez vous bien, mes Freres, le Sauueur du monde lié & garotté? Il n'est pas neantmoins si attaché, que quād les interessez potentats de la cabale, qui mettent les souffre douleurs en besongne pour tuer nos Roys, se comporteront en vrayes Chrestiens, il fera plus en vn clin d'œil pour son Eglise, que tous les subtils stratagemes couuerts du refrein, *ad maiorem Dei gloriam*, ne feront en cent ans, ny en cent combustions ciuiles, qu'on baptise guerres de Religion.

Que ces trompettes de sedition fassent donc leur profit de la reprehension que Nostre Seigneur Iesus-Christ fit à S. Pierre, pour auoir mis la main à l'espee sans commandement, & alors Dieu fortifiera son Eglise de legions inuisibles, quand il verra que ceux qui font profession d'estre ses vrais Sectateurs, detesteront ainsi que fait la Sorbonne, tous les faux pieux menlonges, diaboliques, monopoles assassins de Roys, diaboliques feugades, degasts inouys, ligues secrettes, & dangereux equiuoques, vrayes magasins d'abus, le tout au grand scandale de la Religion Chrestienne; n'y  
ayant



ayant rien de plus certain que les Religieux & autres qui ont recours à ces damnables extremités, ressembtent dans leur desespoir à ceste forcence Dido, qui disoit,

*Flectere si nequeo superos Acheronta mouebo.*

Ainsi quand ces Tragiques Transmontains desisteront de transformer nos peuples francs, & enragez gladiateurs, & Catholiques furieux, il ne faut point douter que Dieu ne dōne sa benediction sur la France, & sur tout, quand ils laisseront de transubstantier nos Chrestiens baptisez en infernaux Rauaillacs: C'est pourquoy Dieu a manifestement crié par son Prophete; Quand vous leuez les mains au Ciel, ie ne vous exauceray point, car elles sont pleines de sang: & par l'Apostre S. Iacques, reprochant le zele indiscret; Vous demandez, dit-il, & vous n'obtenez rien, parce que vous demandez mal à propos. Ainsi tous nos monopoles ont esté d'autant plus detestables qu'ils ont tousiours esté palliez de son saint Nom.

Renuoyons donc desormais ces criaillurs de Religion, Religion, *Templum Domini, Templum Domini*, aux Pharisiens Iuifs qui auoient plus de zele à contester, que de volonté d'obeyr à Dieu, de peur qu'il nous aduienne ce qui aduint à ces Zelotes, lesquels s'opiniastrent tellement à fomentier la sedition, qu'ils aymerent mieux perdre leur patrie, leur nation, leur Royaume, & ce noble Temple de Ierusalem avec leur Religion, que d'escouter la raison; & payer le tribut à Cesar, comme Iesus-Christ leur auoit commandé.

Or si iamais les Zelez eurent occasion de ne re-

tomber en ces erreurs & horreurs ; c'est maintenant qu'il a pleu à Dieu par vne grace celeste, donner à la France vn Roy tres-Chrestien, vne Royne Mere tres-pieuse, & vn conseil tres-Catholique, qui n'est ny Espagnol ny Huguenot, ne respirans vnanimement que la conseruation de la Religion & de l'Estat.

Et d'autant que les affaires du Royaume requierent qu'il soit coupé broché à toute faction, & d'empescher qu'il ne se fasse plus de courraterie de Religion avec l'interest de l'ambition, il sera bon pour le salut public, que defenses soient faites aux François d'en trafiquer d'oresnauant avec les Italiens & Espagnols, comme de marchandise de contrebande, iusques à ce que la Iustice des Consuls Royaux y ayent apporté vn reglement ; avec inionction, aussi que quand les Catholiques & Huguenots boiront ensemble, ils mettront de l'eau dans leur vin, principalement en celuy d'Espagne, qui par ses fumees nous fait entrebatre à plaisir, pour donner beau ieu aux accorts spectateurs de la farce de nos folies Françoises. En quoy, mes Peres, les bons Religieux meriteront beaucoup plus, traueillans à nous reconcilier tous charitablement, qu'à tremper dans des monopoles honteux pour nous infatuer iusques à ce poinct, que de nous reduire à la haine contre nostre prochain, & à oublier ce que nous deuons à nostre patrie.

Or pour monstrier que plusieurs des François n'ont plus de zele que pour la faction estrangere, & non pour l'honneur de nos Roys, il ne faut que remarquer le peu de ressentiment qu'ils ont de



l'insolente v'surpation de la Nauarre, le vray patrimoine de nostre Roy, que l'Espagnol detient à la barbe de la France, sans auoir autre tiltre que l'effronterie de le posseder par droit de bien-seance, & sur vn esprit emané de la fantaisie de quelques Theologiens nouueaux, qui veulent qu'il soit en la puissance des Papes, d'oster les Royaumes & les Souuerainetez aux legitimes Seigneurs : surquoy ie demanderois volontiers que si Leon II. a trouué bon que l'Espagnol v'surpast la Nauarre sur Ieanne d'Albret, par ce qu'elle estoit Huguenote, pourquoy, mes Peres, la Saincteté ne trouue-t'elle iuste qu'il le rende auioud'huy à Louys XIII. son heritier qui est tres-Catholique, & qui a fait iusques à présent tout ce qu'il a peu pour l'aduancement de l'Eglise? Y-a-t'il Casuite qui puisse approuuer qu'on despoüille la Maïesté de sa legitime; & encore moins que Rome ait oublié de luy donner le tiltre de Roy de Nauarre, dans la bulle du Legat, apres tant de trauaux & de despeses qu'il a fait pour complaire au S. Siege. Si les François auoient du sang aux ongles ils ne souffriroient iamais ceste iniuste detention, de laquelle cependant ils font si peu de cas, qu'on peut dire qu'il y a plus de personnes qui sont bien aises que la chose soit passée ainsi, que de ceux qui en sont marries. Aussi parle-t'on si peu de ceste iniuste detention, qu'au contraire d'en tirer raison par armes, on fait tout ce que l'on peut pour la conseruer à l'Espagne, iusques à luy procurer le chemin à la conqueste de la France par nos guerres intestines, ausquels les pauures François prennent si grãd goust,



qu'ils s'y precipitent aveuglement, sans considerer que tout le ieu ne se fait que pour les perdre, & en nous consommans dans nos confusions, nous faire perdre aussi quand & quand tous nos Alliez, lesquels indubitablement nous perdrons si nous ne les secourons promptement ou bien s'accommoderont à nos despens, s'ils perdent vne fois l'esperance d'estre assistez, ou s'ils recognoissent la France en estat de ne les pouuoir assister, qui est la chose la plus pressante, à quoy on doit remedier.

Il fait bon, mes Peres auoir du zele, mais tout ainsi que vous sçavez qu'apres prescher il faut que l'on viure, aussi deuez vous sçauoir que pour subsister il faut auoir de l'amour pour la patrie, autrement vos zeles indiscrets mettroient tout sens dessus dessous, & deuez apprehender nos frequentes recheutes; d'autant que l'Estat est possible plus malade que l'on ne pense, en ce que nos maux sont implicites, & par consequent fort difficiles à guarir, voire impossible si on continuë d'y appliquer tousiours les remedes que nous donne la faction estrangere.

*Vn malade s'expose à vn danger tres grand,*

*Lors que pour Medecin son heritier il prend.*

La France pour auoir trop presté l'oreille iusques à present aux persuasions des Transmontains, doit assez sçauoir ce que vaut leur drogue de Catholicon esuianté, qui l'a pensé tant de fois mettre au tombeau. C'est pourquoy si les François sont sages, ils ne les croiront plus si legerement, & penseront d'oresnauant à leur conseruation, & à celle de leurs Alliez, qui s'en vont tantost ruinez, ou qui



prendront party à nostre preiudice; comme i'ay desia dit cy dessus, n'y ayāt aucun d'eux qui ne soit aujourd'huy dans oppression, & que ne soyons obligez de secourir, en ce que leur perte auance la nostre.

Angleterre, Dannemarc, Sauoye, Venise, les Estats de Hollāde, les Suisses, & tous les Protestāts d'Allemagne, souffrent & ont le poignard dans le sein, attendans tous les resolutions de la France: cependant l'armee Nauale du Roy de la Grand' Bretagne se consume & perd le temps: le Duc de Sauoye est attaqué dans ses pays, & crie apres nostre secours: Venise se voit menassée; le Roy de Dannemarc retire son armee: Tilly est dans les terres du Duc de Brunswic: les Suisses sont diuisez: tous les Protestans accablez: les troupes de Mansfeld dissipées. Si en tout cela il n'y auoit que l'Herésie opprimée, il n'y auroit dequoy s'attrister: mais les Estats de ces princes tombans en la puissance d'une domination ambitieuse, qui garantira la France des attentats de ceux qui n'ont pour obiet que leur Monarchie Vniuerselle.

Que si en ceste mauuaise conioncture, on embarque le Roy au blocus, ou siege de la Rochelle comme nos voisins le desirent avec passion, & que la paix demeure d'auantage à faire dans le Royaume, il ne faut pas douter que tous nos Alliez se desbaucheront de l'affection qu'ils peuuent auoir de se ioindre d'intérêt à ceste Couronne, si ennemie de son repos, & auengle à son salut. Et ainsi, mes peres, ce sera proprement brusler nostre chandelle par les deux bouts, qu'e de nous destrui-



re nous mesmes & abandonner nos dehors à la discretion de la maison d'Austriche, qui en fera comme des choux de son iardin. Et le pis est de tout, qui assourera que durant ce siege la Cabale ne seme des graines de nouvelles factions, ainsi qu'elle fit du temps de Henry III. pendant qu'elle occupa ce bon Roy à guerroyer les Heretiques, de la mesme façon qu'elle nous veut occuper à present.

Ne croyez pas, mes Peres, que tout cecy soit de si legere consideration qu'il ne merite bien d'estre pesé & repesé, si nous n'auons enuie de tout hazarder de gayeté de cœur. L'aduouë que les Huguenots se peuuent facilement ruiner au point où ils sont : mais ie soustiens qu'il est tres-dangereux de l'entreprendre en ceste rencontre de tēps, que les affaires du dehors sont pleines de perilleux inconueniens, tant pour ceste Couronne que pour nos Alliez. Je scay bien que le saint Siege priera Dieu pour les armes du Roy, & qui luy conseiliera de ne se point arrester en si beau chemin, les interets l'obligeant à parler de la sorte : mais les iudicieux François soustiendront qu'il est plus certain pour sa Majesté de tolerer, que de tout hazarder pour les vouloir perdre prematurement.

Je suis d'accord que c'est chose fascheuse de leur laisser des villes d'ostages, les Catholiques Ligueurs ont esté blasmez d'en auoir demandé à Henry III. aux Estats de Blois, d'autant que les subiets ne doiuent auoir autre abry, ny autre seurété que la foy du Prince, de laquelle il doit aussi de son costé estre tres-ialoux obseruateur. que si




la Maieſté par vn bon Conſeil pouuoit reduire les  
choſes à ce poinct là, elle feroit beaucoup pour le  
bien de ſes affaires, pourueu qu'elle tint la main  
à ce que les choſes promiſes fuſſent punctuelle-  
ment obſeruees & exécutees par chaſtiment eſgal  
aux contreuenans, ſe deuant reſſouuenir que la S.  
Barthelemy & autres manquemens ont eſté cauſe  
de la deffiance, qui ont par après porté les Princes  
de ce temps là à demander des villes de ſeureté:  
Maintenant qu'il a plu à Dieu benir les armes de  
noſtre Roy, il eſt certain que la Maieſté en retirera  
vne double victoire, ſi elle prend reſolution de  
donner la paix à ſes ſubiets, pluſtoſt que de s'em-  
barquer derechef en des deſſeins de guerre dans  
ſon Royaume, qui ruine tout à fait le pauvre  
peuple tant de l'vne que de l'autre Religion: ne  
pouuant trouuer, mes Peres, plus preſſante raiſon  
pour le perſuader, ſinon que les Transmontains  
n'apprehendent rien tant au monde, que le Roy  
donne la tranquillité à ſon Eſtat, preuoyant que la  
Maieſté en retirera de l'aduantage, & eux vn tres-  
grand reculement en leurs affaires.

Prions Dieu, donc, qu'il nous ouure à tous les  
yeux: Et vous, mes Peres, ne pipez plus autrui en  
vous pipans vous meſmes, ſous pretexte d'extir-  
per l'Hereſie & auancer la Religion: Ne rembar-  
quez plus les eſprits dans nos confuſions ordinai-  
res, *Ne forte veniant Romani*, c'eſt à dire en bon Fran-  
çois, de peur que l'Eſpagnol ne vienne, & face vne  
capilotade des Catholiques & des Huguenots pour  
ſeruir de gorge chaude à ſon ambition aux deſpès  
de nos ſottices; Vous reſſouuenans que le Comte

de Godemare a fait son entree à Fontaine-bleau,  
 & à Paris dans vne littiere, assis sur vne belle chai-  
 ze persee, pour monstrier qu'il n'est venu que pour  
 conchier tous les François, auxquels *Io bezo las ma-*  
*nos*, les coniurans tous de mieux faire que par le  
 passé; Et le monde s'en esmerueillera.

*François desillez vous les yeux,  
 Apprenez pour vous & les vostres  
 Qu'il n'y a gens si factieux  
 Que des porteurs de Patenostres.  
 que des porteurs de patenostres*





$$16 \quad 2.50 + 3.00 + 1.00$$

$$17 \quad 2.66 + ~~1.00~~ 3.60 + 1.50 + 2.50$$

$$18 \quad 3.33 + 10'$$

Richelieu



Wm. Lusk v. J. G. in France p 11

Conata in ~~Conata~~ 19

Paris Huguenot. 43-28-37-38-

à composer le chapel des meins. E II p. 519 -

insurrección a guisa de protesta - 28 -

~~\_\_\_\_\_~~ { Crist. ad. an. 6 2 D. 10  
~~\_\_\_\_\_~~ Barroto p. 50

Adventis - from the Sept 1st p. 19

Depart for U.S. 22 September

Important - by 6th from case - p. 32  
Manifest - 61

Manuscript - 61

Aug 21

